

四庫全書

經部

欽定四庫全書

經部

日講春秋解義卷四十四

詳校官監察御史_臣莫瞻菴

給事中_臣溫常綬覆勘

覆校官中書_臣田尹衡

校對官中書_臣葉蘭

謄錄舉人_臣馮蓋

欽定四庫全書

日講春秋解義卷四十六

襄公

三十年春王正月楚子使薳罷來聘

罷公羊作頗

左傳

三十年春王正月楚子使薳罷來聘通嗣君也

郊教

即傳

穆叔問王子之為政何如

王子圉為令尹

對曰吾儕小人

食而聽事猶懼不給命而不免於戾焉與知政固問焉不告穆叔告大夫曰楚令尹將有大事子蕩將與

焉

子蕩
遂罷

助之匿其情矣

公踰年在楚郟敖新即位使遠罷來聘魯以君行而楚以大夫報行霸主之禮于中國非晉平趙武之責而何哉

附錄
左傳

子產相鄭伯以如晉叔向問鄭國之政焉對曰

吾得見與否在此歲也駟良方爭未知所成

駟子哲
良伯有

若有所成吾得見乃可知也叔向曰不既和矣乎對曰伯有侈而愎子哲好在人上莫能相下也雖其和

也猶相積惡也惡至無日矣

為此年秋良霄出奔傳

三月癸

未晉悼夫人食輿人之城杞者

輿衆也城杞在往年

絳縣人或

年長矣無子而往與於食有與疑年使之年

使言曰某年

臣小人也不知紀年臣生之歲正月甲子朔四百有

四十五甲子矣其季於今三之一也

所稱正月夏正月也三分六甲

之一得甲子甲戌盡癸未

吏走問諸朝師曠曰魯叔仲惠伯會卻

成子於承匡之歲也

在文十一年

是歲也狄伐魯叔孫莊

叔於是乎敗狄於鹹獲長狄僑如及虺也豹也而皆

以名其子七十三年矣史趙曰

晉大史名趙

亥有二首六

身下二如身是其日數也

古亥字二畫在上三人在下故以二為首以六為身

下首之二畫豎置身旁當為𠂔字則是老人始生至今之日數蓋以二首為二萬六身為六千六百六十

也日士文伯曰

文伯士弱之子

然則二萬六千六百有六旬也

趙孟問其縣大夫則其屬也

屬趙武

召之而謝過焉曰

吾不才任君之大事以晉國之多虞不能由吾子

由用

也

使吾子辱在泥塗久矣武之罪也敢謝不才遂仕

之使助為政辭以老與之田使為君復陶

復陶主衣服之官

以為絳縣師

縣師掌地域辨其夫家人民

而廢其輿尉

以役孤於老故

是魯使者在晉歸以語諸大夫季武子曰晉未可媮

也

媮薄也

有趙孟以為大夫有伯瑕以為佐

伯瑕士文伯

史趙師曠而咨度焉有叔向女齊以師保其君其朝

多君子其庸可媮乎勉事之而後可

傳言晉所以不失諸侯

夏四月己亥鄭伯及其大夫盟

駟良爭故

君子是以知鄭

難之不已也

夏四月蔡世子般弑其君固

左傳蔡景侯為太子般娶于楚通焉太子弑景侯

終子產言

有子

禍

穀梁傳其不日子奪父政是謂夷之

不言其父而言其君者君於世子有父之親有君之尊故互舉以盡其義也

五月甲午宋災宋伯姬卒

伯姬上公羊穀梁無宋字

左傳或叫于宋大廟

叫呼也

曰謔謔出出

謔謔熱也出鳥出戒伯姬

鳴于亳社

殷社

如曰謔謔

皆火妖也

甲午宋大災宋伯姬卒

待姆也

師姆女

君子謂宋共姬女而不婦女待人

待人行

婦義事也

義從宜也伯姬時年六十左右

穀梁傳

取卒之日加之災上者見以災卒也其見以災

卒奈何伯姬之舍失火左右曰夫人少辟火乎伯姬曰婦人之義傅母不在宵不下堂左右又曰夫人少辟火乎伯姬曰婦人之義保母不在宵不下堂遂逮乎火而死婦人以貞為行者也伯姬之婦道盡矣詳其事賢伯姬也

連書災與卒而貫以日見以災卒也伯姬年踰六十雖辟火以全生不害為貞而致死以守禮婦道盡矣而宋之臣子緩救以死其君母罪可勝誅哉

天王殺其弟佞夫

公羊作年夫

左傳初王儋季卒

儋季周靈王弟

其子括將見王而歎單公子

愆期為靈王御士過諸廷

愆期行過王廷

聞其歎而言曰烏

乎必有此夫

欲有此朝廷之權

入以告王且曰必殺之不惑

而願大視躁而足高心在他矣不殺必害王曰童子

何知及靈王崩僭括欲立王子佞夫

佞夫靈王子景王弟

佞夫

弗知戊子僭括圍為逐成愆

成愆為邑大夫

成愆奔平時

平時

杜注周邑

五月癸巳尹言多劉穀單蔑甘過鞏成殺佞夫

五子周大夫

括瑕廖奔晉

括廖不書賤也

書曰天王殺其弟佞夫

罪在王也

以佞夫不知故

穀梁傳

傳曰諸侯且不首惡況於天子乎君無忍親之

義天子諸侯所親者唯長子母弟耳天王殺其弟佞

夫甚之也

鄭伯克段于鄆不書弟段不弟也今天王之殺佞夫書弟則知非佞夫之罪也儋括之亂佞夫不知而以嫌見殺過矣

王子瑕奔晉

儋括之亂佞夫見殺瑕懼禍而奔則必與聞乎儋括之謀矣瑕與子朝皆為逆亂無所容身避罪逃竄與守官保祿而出奔者異故皆不言出

附錄
左傳

六月鄭子產如陳蒞盟歸復命告大夫曰陳亡

國也不可與也聚禾粟繕城郭恃此二者而不撫其民其君弱植公子侈大子卑大夫教政多門以介于大國能無亡乎不過十年矣

為昭八年楚滅陳傳

秋七月叔弓如宋葬宋共姬

共姬上穀梁無宋字

左傳秋七月叔弓如宋葬共姬也

公羊傳外夫人不書葬此何以書隱之也何隱爾宋災

伯姬卒焉其稱諡何賢也何賢爾宋災伯姬存焉有司復曰火至矣請出伯姬曰不可吾聞之也婦人夜

出不見傅母不下堂傅至矣母未至也逮乎火而死
穀梁傳 外夫人不書葬此其言葬何也吾女也卒災故
隱而葬之也

魯高共姬之義故使卿共葬事內女之葬不書遭
變然後書莊四年齊侯葬紀伯姬三十年葬紀叔
姬此年葬共姬皆非常也

鄭良霄出奔許自許入於鄭鄭人殺良霄

左傳 鄭伯有者酒為窟室而夜飲酒
窟室地室 擊鐘焉朝至

未已朝者曰公焉在

家臣故謂伯有為公

其人曰吾公在壑谷

壑谷窟室

皆自朝布路而罷

布路分散

既而朝

伯有朝鄭君

則又將

使子皙如楚歸而飲酒庚子子皙以駟氏之甲伐而

焚之伯有奔雍梁

雍梁杜注鄭地

醒而後知之遂奔許大夫

聚謀子皮曰仲虺之志云亂者取之亡者悔之推亡

固存國之利也罕駟豐同生

罕子皮駟子皙豐公孫段也三家本同母兄弟

伯有汰侈故不免人謂子產就直助強

時謂子皙直三家強

子

產曰豈為我徒

徒黨也言不以駟良為黨

國之禍難誰知所敝或

主強直難乃不生

言能強能直則可弭難
今三家未能伯有方爭

姑成吾所

欲以無所
附著為所

辛丑子產斂伯有氏之死者而殯之不及

謀而遂行

不與於
國謀

印段從之

義子
產

子皮止之衆曰人

不我順何止焉子皮曰夫子禮於死者況生者乎遂

自止之壬寅子產入癸卯子石入

子石
印段

皆受盟於子

皙氏乙巳鄭伯及其大夫盟於大宮盟國人於師之

梁之外

師之梁
鄭城門

伯有聞鄭人之盟已也怒聞子皮之

甲不與攻已也喜曰子皮與我矣癸丑晨自墓門之

潰入

墓門鄭城門

因馬師頡介於襄庫以伐舊北門

馬師頡子

羽孫駟帶率國人以伐之

駟帶子西子子晉之宗主

皆召子產子產

曰兄弟而及此吾從天所與伯有死於羊肆

羊肆市列

子

產祿之枕之股而哭之斂而殯諸伯有之臣在市側

者既而葬諸斗城

斗城杜注鄭地名今河南陳留縣南有斗城

子駟氏欲

攻子產子皮怒之曰禮國之幹也殺有禮禍莫大焉

葬伯有為有禮

乃止於是游吉如晉還聞難不入復命於介

八月甲子奔晉駟帶追之及酸棗

酸棗杜注陳留縣今河南延津縣北

有古

與子上盟

子上駟帶

用兩珪質於河使公孫肸入盟

大夫已已復歸

游吉歸

書曰鄭人殺良霄不稱大夫言

自外入也

既出位絕非復鄭大夫

于子蟜之卒也

子蟜公孫董卒在十九年

將葬公孫揮與裨竈晨會事焉過伯有氏其門上生

莠子羽曰其莠猶在子

子羽公孫揮以莠喻伯有

於是歲在降婁

降婁中而旦

降婁奎婁也周七月今五月降婁中而天明

裨竈指之曰猶

可以終歲

指降婁也歲星十二年而一終

歲不及此次也已

不及降婁

其亡也歲在姬訾之口

姬訾營室東壁二十八年歲星淫在亥掎今三十年在辰

訾是歲星停
在玄枵二年

其明年乃及降婁僕展從伯有與之皆

死

僕展鄭大夫伯有黨

羽頡出奔晉為任大夫

羽頡馬師頡任杜注晉縣屬廣

平郡今直隸任縣東南有古任城

雞澤之會

在三

鄭樂成奔楚遂適

晉羽頡因之與之比而事趙文子言伐鄭之說焉以

宋之盟故不可子皮以公孫鉏為馬師

鉏子罕之子代羽頡

穀梁傳

不言大夫惡之也

稱人以殺而不言大夫討賊之辭也不言復入方
出而遽歸與宋魚石晉欒盈去國數年而復入者

異也不言叛者將不利於國非據邑以自保不得書叛也

冬十月葬蔡景公

公羊傳

賊未討何以書葬君子辭也

君子為中國諱弑父恥重故隱之

穀梁傳

不日卒而月葬不葬者也卒而葬之不忍使父

失民於子也

不書葬則與失民同故曰不忍使父失民於子

春秋大法君弑而賊不討則不書葬蔡景公之葬

何以書徧刺天下之諸侯也在禮知生者弔知死

者傷世子弑君覆載所不容也不能致討而使人往會其葬以禮於生者人理滅矣

附錄左傳

楚公子圍殺大司馬為掩而取其室

為掩二十年為大

司馬申無宇曰

無宇茅尹

王子必不免善人國之主也王子

相楚國將善是封殖而虐之是禍國也且司馬令尹之偏而王之四體也絕民之主去身之偏父王之體以禍其國無不祥大焉

不祥無大於是

何以得免

為昭十三年楚弑靈

王傳

晉人齊人宋人衛人鄭人曹人莒人邾人滕人薛人杞人小邾人會於澶淵宋災故

左傳

為宋災故諸侯之大夫會以謀歸宋財冬十月叔

孫豹會晉趙武齊公孫蠆宋向戌衛北宮佗

佗北宮括之子

鄭罕虎

虎子皮

及小邾之大夫會於澶淵既而無歸於

宋故不書其人君子曰信其不可不慎乎澶淵之會

卿不書不信也夫諸侯之上卿會而不信寵名皆棄

寵謂族也

不信之不可也如是詩曰文王陟降在帝左右

信之謂也

詩大雅言文王之所以能上接天下接人動順帝者唯以信

又曰淑慎

爾止無載爾偽

逸詩也言當善慎舉止無載行詐偽

不信之謂也書曰

某人某人會於澶淵宋災故尤之也不書魯大夫諱之也

公羊傳

宋災故者何諸侯會於澶淵凡為宋災故也會

未有言其所為者此言所為何錄伯姬也諸侯相聚而更宋之所喪

更復也

曰死者不可復生爾財復矣此

大事也曷為使微者卿也卿則其稱人何貶曷為貶

卿不得憂諸侯也

大夫之義得憂內不得憂外所以抑臣道也

穀梁傳

會不言其所為其曰宋災故何也不言災故則

無以見其善也其曰人何也救災以衆何救焉更宋之所喪財也澶淵之會中國不侵伐夷狄夷狄不入中國無侵伐八年善之也晉趙武楚屈建之力也

會未有言所為者此會書宋災故與桓二年稷之會書成宋亂同乃程子所謂春秋大義數十炳如日星者也世子弑君之惡不能討宋之災已過時

矣而合十二國為會以更其財不亦慎乎使不書
宋災故則習其讀者疑於欲討蔡般而不果矣列
國書入歸財細事卿不行也魯與宋姻親使卿會
葬則周恤之事必多故是役轉不與耳

附錄
左傳

鄭子皮授子產政

伯有死子皮知政
以子產賢故讓之

辭曰國小

而偪

偪近
大國

族大寵多不可為也子皮曰虎帥以聽誰

敢犯子子善相之國無小小能事大國乃寬子產為

政有事伯石

伯石公孫段
有事欲使之

賂與之邑子大叔曰國皆

其國也

言鄭大夫共憂鄭國事

奚獨賂焉子產曰無欲實難皆

得其欲以從其事而要其成非我有成其在人乎

言事

成猶在我非在他也

何愛於邑邑將焉往

言猶在國

子太叔曰若四

國何子產曰非相違也而相從也

言賂以邑欲為和順

四國何

尤焉鄭書有之曰

鄭國史書

安定國家必大焉先

先和大族姑

先安大以待其所歸既伯石懼而歸邑卒與之伯有

既死使大史命伯石為卿辭大史退則請命焉

請大史更

命復命之又辭如是三乃受策入拜子產是以惡其

為人

惡其虛飾

使次已位

畏其作亂故寵之

子產使都鄙有章

國都及邊鄙車服

尊卑各有分部

上下有服

公卿大夫服不相踰

田有封洫

封疆

也洫溝也

廬井有伍

廬舍也九夫為井使五家相保

大人之忠儉者

謂鄉

大從而與之泰侈者因而斃之豐卷將祭請田焉

獵田

也

弗許曰唯君用鮮

野衆給而已衆臣祭以芻豢為足

子張怒

退而徵役

子張豐卷召兵欲攻子產

子產奔晉子皮止之而遂豐

卷豐卷奔晉子產請其田里

請於公不沒入

三年而復之反

其田里及其入焉

田里所收入

從政一年與人誦之曰取

我衣冠而褚之

褚畜也奢侈者畏法故畜藏

取我田疇而伍之孰

殺子產吾其與之及三年又誦之曰我有子弟子產

誨之我有田疇子產殖之子產而死誰其嗣之

傳言鄭所

以興

三十有一年春王正月

附錄左傳

三十一年春王正月穆叔至自會

澶淵會還

見孟孝

伯語之曰趙孟將死矣其語偷不似民主且年未盈

五十而諄諄焉如八九十者弗能久矣

成二年戰於韋趙朔已死

於是趙文子始生至襄三十年會澶淵蓋年四十七八故言未盈五十

若趙孟死為政

者其韓子乎

韓子韓起

吾子盍與季孫言之可以樹善君

子也

言韓起有君子之德

晉君將失政矣若不樹焉使早備魯

使韓子早為魯備

既而政在大夫韓子懦弱大夫多貪求欲

無厭齊楚未足與也魯其懼哉孝伯曰人生幾何誰

能無偷朝不及夕將安用樹穆叔出而告人曰孟孫

將死矣吾語諸趙孟之偷也而又甚焉又與季孫語

晉故

如與孟孫言

季孫不從及趙文子卒

在昭元年

晉公室卑

政在侈家韓宣子為政不能圖諸侯魯不堪晉求讒

慝弘多是以有平丘之會

平丘會在昭十三年晉人執季孫意如

齊

子尾害閭丘嬰欲殺之使帥師以伐陽州

陽州杜注魯地在東

平西北蓋齊魯竟上邑

我問師故夏五月子尾殺閭丘嬰以說

于我師工倭灑消竈孔虺賈寅出奔莒

四子嬰之黨

出羣

公子

為昭十年樂高之難復羣公子起本

夏六月辛巳公薨於楚宮

左傳公作楚宮

適楚好其宮歸而作之

穆叔曰大誓云民之所欲

天必從之君欲楚也夫故作其宮若不復適楚必死
是宮也六月辛巳公薨於楚宮叔仲帶竊其拱璧以
與御人納諸其懷而從取之由是得罪

得罪謂魯人
薄之故子孫

不得志

於魯

穀梁

楚宮非正也

楚宮別宮也公適楚美其宮歸而作之遂薨於此
魯至襄公季孫宿專行無忌諸大夫則而象之三
桓益彊四鄰交侵內失其政柄而外弱於邾莒其

所以致此者以公履危而懷安不能自彊於政治
非獨以承國於幼弱也

秋九月癸巳子野卒

左傳立胡女敬歸之子子野

胡歸姓之國敬歸襄公妾

次於季氏秋

九月癸巳卒毀也

立敬歸之姊齊歸之子公子稠

齊諡稠昭公名

穆叔不欲曰大子死有母弟則立之無則立

長年鈞擇賢義鈞則卜古之道也非適嗣何必姊之

子

言子稠非適嗣

且是人也居喪而不哀在慙而有嘉容是

謂不度不度之人鮮不為患若果立之必為季氏憂

武子不聽卒立之比及葬三易衰衰衽如故衰

言其嬉戲

無於是昭公十九年矣猶有童心君子是以知其不

能終也

為昭二十五年公孫於齊傳

穀梁子卒日正也

傳稱子野以毀卒先儒以為書名未終喪也不薨

不葬未踰年也但據經所書則與子般子赤見弑

者無異按傳立胡女敬歸之子子野次於季氏既

為嗣子則當宅憂於殯宮而次於季氏則其情事
不可推而所以卒者亦不可考矣此一經之大義
姑發所疑以備先儒所未及不可以無辨也

己亥仲孫羯卒

左傳 己亥孟孝伯卒

終穆叔言子獲嗣
為大夫是為僖子

冬十月滕子來會葬

左傳 冬十月滕成公來會葬愔而多涕子服惠伯曰滕

君將死矣怠於其位而哀已甚兆於死所矣能無從

乎

為昭三年
滕子卒傳

禮諸侯之喪士弔大夫送葬今滕子親會而魯受

之皆非禮也

癸酉葬我君襄公

左傳癸酉葬襄公

附錄公薨之月子產相鄭伯以如晉晉侯以我喪故

左傳未之見也子產使盡壞其館之垣而納車馬焉士文

伯讓之曰敝邑以政刑之不修寇盜充斥

充滿充斥見
言其多

無若諸侯之屬辱在寡君者何是以令吏人完客所

館高其閑閤

閑閤也

厚其牆垣以無憂客使今吾子壞

之雖從者能戒其若異客何以敝邑之為盟主繕完

葺牆

葺覆也

以待賓客若皆毀之其何以共命寡君使

丐請命

正義曰丐士文伯名

對曰以敝邑褊小介於大國誅求

無時是以不敢寧居悉索敝賦以來會時事逢執事

之不閒而未得見又不獲聞命未知見時不敢輸幣

亦不敢暴露其輸之則君之府實也非薦陳之不敢

輸也

薦陳猶獻見也

其暴露之則恐燥濕之不時而朽蠹以

重敝邑之罪僞聞文公之為盟主也宮室卑庫無觀

臺榭以崇大諸侯之館館如公寢庫廡繕修司空以

時平易道路

易治也

圻人以時塙館宮室

圻人塗者塙塗也

諸

侯賓至甸設庭燎

庭燎設於庭

僕人巡宮車馬有所賓從

有代

代客役

巾車脂轄

巾車主車之官

隸人牧圉各瞻其事

瞻視

客所當得

百官之屬各展其物

展陳也

公不留賓而亦無廢

事憂樂同之事則巡之

巡行也

教其不知而恤其不足

賓至如歸無寧菑患

無寧寧也

不畏寇盜而亦不患燥濕

今銅鞮之宮數里

銅鞮晉離宮

而諸侯舍於隸人

舍如隸人舍

門不容車而不可踰越盜賊公行而天癘不戒

癘猶災也

言水潦不時

賓見無時命不可知若又勿壞是無所藏幣

以重罪也敢請執事將何所命之雖君之有魯喪亦

敝邑之憂也

言鄭與魯亦有同姓之憂

若獲薦幣修垣而行君之

惠也敢憚勤勞文伯復命趙文子曰信我實不德而

以隸人之垣以贏諸侯

贏受也

是吾罪也使士文伯謝

不敏焉晉侯見鄭伯有加禮厚其宴好而歸之乃築
諸侯之館叔向曰辭之不可以已也如是夫子產有
辭諸侯賴之若之何其釋辭也詩曰辭之輯矣民之
協矣辭之繹矣民之莫矣詩大雅言辭輯睦則民協
同辭說繹則民安定莫猶
也其知之矣鄭子皮使邱段如楚以適晉告禮也
得事大
國之禮

十有一月莒人弑其君密州

左傳

莒犁比公生去疾及展輿

犁比莒子
密州之號

既立展輿

立

為世又廢之犂比公虐國人患之十一月展輿因國

人以攻莒子弑之乃立展輿立去疾奔齊齊出也母

女展輿吳出也為明年書曰莒人弑其君買朱鉏買

鉏密州言罪之在也罪在

稱人以弑者一國之人所欲弑也莒子虐莒人弑

之立展輿春秋稱莒人則罪不在展輿矣左傳展

輿因國人以攻莒子陸氏淳謂以當作之傳文偶

誤後儒承誤而不敢輒改蓋得其義

附錄左傳

吳子使屈狐庸聘於晉

屈狐庸巫臣之子也通成七年適吳為行人

路也

通吳晉之路

趙文子問焉曰延州來季子其果立乎

延州來季札邑

巢隕諸樊

在二十五年

閻戕戴吳

在二十九年戴吳餘祭

天

似啓之何如對曰不立是二王之命也非啓季子也

若天所啓其在今嗣君乎

嗣君謂夷昧

甚德而度德不失

民度不失事

審事情

民親而事有序其天所啓也有吳

國者必此君之子孫實終之季子守節者也雖有國

不立十二月北宮文子相衛襄公以如楚

文子北宮佗

公獻公宋之盟故也過鄭即段廷勞于棐林如聘禮而

以勞辭

用聘禮而用郊勞之辭

文子入聘

報印段

子羽為行人馮

簡子與子太叔逆客事畢而出言於衛侯曰鄭有禮

其數世之福也其無大國之討乎詩云誰能執熱逝

不以濯

詩大雅濯以水濯手

禮之於政如熱之有濯也濯以救

熱何患之有

此以上文子辭

子產之從政也擇能而使之馮

簡子能斷大事子大叔美秀而文公孫揮能知四國

之為

知諸侯所欲為

而辨於其大夫之族姓班位貴賤能否

而又善為辭令裨諲能謀謀於野則獲

得所謀也

於邑

則否

此才性之蔽

鄭國將有諸侯之事子產乃問四國之

為於子羽且使多為辭令與裨諲乘以適野使謀可

否而告馮簡子使斷之事成乃授子大叔使行之以

應對賓客是以鮮有敗事北宮文子所謂有禮也

傳跡

子產行事以明文子之言

鄭人游於鄉校

鄉之學校

以論執事

論具得失

然明謂子產曰毀鄉校如何

惠人於中謗議國政

子產曰何為

夫人朝夕退而游焉以議執政之善否其所善者吾

則行之其所惡者吾則改之是吾師也若之何毀之

我聞忠善以損怨

為忠善則怨謗息

不聞作威以防怨豈不

遽止然猶防川大決所犯傷人必多吾不克救也不

如小決使道

道通也

不如吾聞而藥之也

以為己然明藥石

然明

曰蔑也今而後知吾子之信可事也小人實不才若

果行此其鄭國實賴之豈唯二三臣仲尼聞是語也

曰以是觀之人謂子產不仁吾不信也子皮欲使

尹何為邑

為邑大夫

子產曰少未知可否子皮曰愿吾愛

之不吾叛也

愿謹善也
叛違也

使夫往而學焉夫亦愈知治

矣

夫謂
尹何

子產曰不可人之愛人求利之也今吾子愛

人則以政猶未能操刀而使割也其傷實多子之愛
人傷之而已其誰敢求愛於子子於鄭國棟也棟折
榱崩僑將厭焉敢不盡言子有美錦不使人學製焉
大官大邑身之所庇也而使學者製焉其為美錦不
亦多乎

言視美錦之
重多於官邑

僑聞學而後入政未聞以政學

者也若果行此必有所害譬如田獵射御貫則能獲

禽

也 賈習

若未嘗登車射御則敗績厭覆是懼何暇思

獲子皮曰善哉虎不敏吾聞君子務知大者遠者小人務知小者近者我小人也衣服附在吾身我知而慎之大官大邑所以庇身也我遠而慢之微子之言吾不知也他日我曰子為鄭國我為吾家以庇焉其可也今而後知不足自今請雖吾家聽子而行子產曰人心之不同如其面焉吾豈敢謂子面如吾面乎抑心所謂危亦以告也子皮以為忠故委政焉子產

是以能為鄭國

傳言子產之治乃子皮之力

衛侯在楚北宮文

子見令尹圉之威儀言於衛侯曰今尹似君矣將有他志雖獲其志不能終也詩曰靡不有初鮮克有終終之實難令尹其將不免公曰子何以知之對曰詩云敬慎威儀惟民之則令尹無威儀民無則焉民所不則以在民上不可以終公曰善哉何謂威儀對曰有威而可畏謂之威有儀而可象謂之儀君有君之威儀其臣畏而愛之則而象之故能有其國家令聞

長世臣有臣之威儀其下畏而愛之故能守其官職

保族宜家順是以下皆如是是以上下能相固也衛

詩曰威儀棣棣不可選也

詩邶風棣棣富而閑也選數也

言君臣上

下父子兄弟内外大小皆有威儀也周詩曰朋友攸

攝攝以威儀

詩大雅攸所也攝佐也

言朋友之道必相教訓以

威儀也周書數文王之德曰

周書武成

大國畏其力小國

懷其德言畏而愛之也詩云不識不知順帝之則言

則而象之也

大雅又言文王行事無所斟酌惟在則象上天

紂囚文王七年

諸侯皆從之囚紂於是乎懼而歸之可謂愛之文王
伐崇再駕而降為臣蠻夷帥服可謂畏之文王之功
天下誦而歌舞之可謂則之文王之行至今為法可
謂象之有威儀也故君子在位可畏施舍可愛進退
可度周旋可則容止可觀作事可法德行可象聲氣
可樂動作有文言語有章以臨其下謂之有威儀也

日講春秋解義卷四十六

欽定四庫全書

日講春秋解義卷四十七

昭公

公名稠襄公子母齊歸在位二十五年孫於齊在外八年凡三十二年薨於乾侯諡法威

儀恭明
曰昭

周

景王四年魯昭公二十二年景王崩王猛立是年卒王室亂弟敬王立昭二十三年尹氏立王子朝昭二

十六年敬王入於
成周子朝奔楚

鄭

簡公二十五年魯昭公十二年簡公卒子鄭定公寧立昭二十八年定公卒獻公蠆立

齊

景公
七年

宋

平公三十五年魯昭公十年平公卒子元公
佐立昭二十五年元公卒子景公頤曼立

晉

平公十七年趙武為政魯昭公元年冬趙武卒韓起
為政魯昭公十年平公卒子昭公夷立魯昭公十六
年晉昭公卒子頃公去疾立昭二十八年
魏舒為政昭三十年頃公卒子定公午立

衛

襄公三年魯昭公七年
襄公卒子靈公元立

蔡

靈公二年魯昭公十一年楚殺蔡靈公滅蔡昭十三
年楚平王封蔡蔡侯廬立是為平公昭二十年平公
卒太子朱立昭二十一年朱奔楚平公弟悼
公東國立昭二十三年悼公卒弟昭公申立

曹

武公十四年魯昭公十四年武公卒子平公須立昭
十八年平公卒子悼公午立昭二十七年悼公卒弟
聲公野立昭三十二年平公
弟通弒聲公代立是為隱公

滕

成公三十五年魯昭公三年成公卒悼公寧立昭二十八年悼公卒頃公結立

陳

哀公二十八年魯昭公八年哀公卒楚滅陳昭十三年楚平王封陳陳侯吳立是為惠公

杞

文公九年魯昭公六年文公卒子平公郁釐立昭二十四年平公卒子悼公成立

薛

魯昭公三十一年薛獻公穀卒入春秋薛始書名子襄公定立

莒

展興元年魯昭公元年齊納莒公子去疾是為著丘公展興奔吳昭十四年著丘公卒子郊公立是年奔

齊著丘之弟庚興立是為共公昭

二十三年庚興來奔齊納郊公

邾

悼公十五年魯昭公元年悼公卒莊公穿立

許

悼公六年魯昭公九年遷於夷昭十八年遷於白羽昭十九年悼公弒斯立

小邾

穆公十三年魯昭公十
七年小邾穆公來朝

楚

鄭敖四年魯昭公元年楚圍弒而自立改名虔是為
靈王楚遂寵為令尹昭十三年靈王弒平王居立即

棄疾子旗為令尹昭十四年殺成然子瑕為令尹昭
二十三年子常為令尹昭二十六年平王卒昭王軫
立

秦

景公三十六年魯昭公
五年景公卒子哀公立

吳

夷末二年魯昭公十五年夷末卒子僚立
昭二十七年僚弒闔廬立一名光諸樊子

越

魯昭公五年越會楚
伐吳始見經即書人

欽定四庫全書

日講春秋解義卷四十七

昭公

名稠襄公之子母齊歸以景王四年即位在外八年孫於齊在齊法威儀恭

明曰

元年春王正月公即位

穀梁傳

繼正即位正也

子野卒於季氏季氏既以毀告則自當行即位之禮如常矣襄公夙有憾於季氏自楚而返幾不

敢入其後昭公又為季氏所逐凡傳所載昭公臨喪不戚及穆叔議其不當立皆季氏之黨之誣

辭耳

叔孫豹會晉趙武楚公子圍齊國弱宋向戌衛齊惡陳

公子招蔡公孫歸生鄭罕虎許人曹人于虢

國弱公羊作國酌齊

惡公羊作石惡罕虎公羊作軒虎號公羊作漸穀梁作郭杜注鄭地

左傳元年春楚公子圍聘於鄭且娶於公孫段氏伍舉

為介將入館鄭人惡之

知楚懷詐

使行人子羽與之言乃

館於外

舍城外

既聘將以衆逆子產患之使子羽辭曰

以敝邑褊小不足以容從者請墀聽命

欲於城外除地為墀行昏

禮

令尹命太宰伯州犂對曰君辱貺寡大夫圍謂圍

將使豐氏撫有而室

豐氏公孫段

圍布几筵告於莊共之

廟而來

莊王共王圍之祖父

若野賜之是委君貺於草莽也是

寡大夫不得列於諸卿也

言不得從卿禮

不寧唯是又使圍

蒙其先君

蒙欺也

將不得為寡君老

大臣稱老懼辱命而黜退

其蔑

以復矣唯大夫圖之子羽曰小國無罪恃實其罪

恃大

國而無備則犯罪

將恃大國之安靖已而無乃包藏禍心以

圖之小國失恃而懲諸侯使莫不憾者距違君命而

有所壅塞不行是懼不然敝邑館人之屬也

館人守舍人也

其敢愛豐氏之祧伍舉知其有備也請垂橐而入

垂橐

示無弓

許之正月乙未入逆而出遂會於虢尋宋之盟

也

宋盟在襄二十七年

祁午謂趙文子曰宋之盟楚人得志於

晉今令尹之不信諸侯之所聞也子弗戒懼又如宋

子木之信稱於諸侯猶詐晉而駕焉

詐謂衷甲

況不信之

尤者乎楚重得志於晉晉之恥也子相晉國以為盟

主於今七年矣

襄二十五年為政以春言故云七年

再合諸侯

襄二十五年會

夷儀二十六年會澶淵

三合大夫

襄二十七年會宋三十二年會澶淵及今會號也

服齊

狄寧東夏

襄二十八年齊侯白狄朝晉

平秦亂

襄二十六年秦晉為成

城淳

子

襄二十九年城杞之淳于杞遷都

師徒不頓國家不罷民無謗讟

諸侯無怨天無大災子之力也有令名矣而終之以

恥午也是懼吾子其不可以不戒文子曰武受賜矣

然宋之盟子未有禍人之心武有仁人之心是楚所

以駕於晉也今武猶是心也楚又行僭信不非所害

也武將信以為本循而行之譬如農夫是穰是穰耘穰

也壅苗為裝雖有饑饉必有豐年言耕鋤不以水旱息必獲豐年之收且吾

聞之能信不為人下吾未能也詩曰不僭不賊鮮不

為則信也詩大雅賦害人也能為人則者不為人下矣吾不

能是難楚不為患楚令尹圍請用牲讀舊書加於牲

上而已舊書宋之盟書楚恐晉先歆故欲從舊書加於牲上不歆血經所以不書盟晉人

許之三月甲辰盟楚公子圍設服離衛設君服二人執戈陳於前

以自衛
離陳也

叔孫穆子曰楚公子美矣君哉鄭子皮曰二

執戈者前矣

禮君行有二
執戈在前

蔡子家曰蒲宮有前不亦

可乎

公子圍在會特緝蒲為王殿屋蔽屏以自殊
異言既造王宮而居之雖服君服無所怪也

楚

伯州犂曰此行也辭而假之寡君

聞諸大夫議之故
言假以飾令尹過

鄭行人揮曰假不反矣伯州犂曰子姑憂子皙之欲

背誕也

襄三十年鄭子皙殺伯有背命放誕將
為國難言子且自憂此無為憂令尹

子羽

曰當璧猶在

子羽行人揮當璧謂
棄疾事在昭十三年

假而不反子其無

憂乎齊國子曰吾代二子愍矣

國子國弱也二子謂
王子圍及伯州犂

陳公子招曰不憂何成二子樂矣衛齊子曰苟或知

之雖憂何害

齊子齊惡言先知為備雖有憂難無所損害

宋合左師曰大

國令小國共吾知共而已晉樂王鮒曰小旻之卒章

善矣吾從之

小旻詩小雅其卒章義取非唯暴虎馮河之可畏也不敬小人亦危殆王鮒從

斯義故不敢

退會子羽謂子皮曰叔孫絞而婉

絞切也

其似君反謂

宋左師簡而禮

無所臧否故曰簡共事大國故曰禮

樂王

鮒字而敬

字愛也不犯凶人所以自愛敬

子與子家持之

子子皮子家蔡公孫

歸生持之言無所取與

皆保世之主也齊衛陳大夫其不免乎

國子代人憂子招樂憂齊子雖憂弗害夫弗及而憂

與可憂而樂與憂而弗害皆取憂之道也憂必及之

大誓曰民之所欲天必從之大誓周書三大夫兆憂憂能

無至乎言以知物其是之謂矣物類也察言以知禍福之類

公羊傳此陳侯之弟招也何以不稱弟據八年貶曷為

貶為殺世子偃師貶曰陳侯之弟招殺陳世子偃師

大夫相殺稱人此其稱名氏以殺何後八年事言將自是

弑君也明其欲弑君故令與弑君而立今將爾詞曷

為與親弑者同君親無將將而必誅焉然則曷為不

於其弑焉貶

據未弑也

以親者弑然後其罪惡甚春秋不

待貶絕而罪惡見者不貶絕以見罪惡也貶絕然後

罪惡見者貶絕以見罪惡也今招之罪已重矣曷為

復貶乎此

據棄疾不豫貶

著招之有罪也何著乎招之有罪

據棄疾不著

言楚之託乎討招以滅陳也

八年楚滅陳討招之意不明故

豫貶於此明楚先以正罪討招乃滅陳也

自向成為弭兵之說而趙武從之至是楚人再先

於晉而齊亦從盟矣晉既再屈楚圍蹇立遂合諸侯伐吳誅齊慶封執徐子滅陳滅蔡兵禍之烈諸侯之屈辱危亡前此所未有也向戌之以誣道蔽諸侯趙武以偷安禍列國罪不容於誅矣

三月取鄆

左傳季武子伐莒取鄆莒人告於會楚告於晉曰尋盟

未退尋弭兵之盟而魯伐莒潰齊盟請戮其使時叔孫豹在會欲戮

之樂桓子相趙文子桓子即王鮒欲求貸於叔孫而為之

請使請帶焉

難指求貨故以帶為辭

弗與梁其跽曰

跽叔孫家臣

貨

以藩身子何愛焉叔孫曰諸侯之會衛社稷也我以

貨免魯必受師

言不戮其使必伐其國

是禍之也何衛之為人

之有牆以蔽惡也

喻己為國衛如牆為人蔽

牆之隙壞誰之咎也

咎在牆

衛而惡之吾又甚焉

罪甚

雖怨季孫魯國何罪

叔出季處有自來矣

季孫守國叔孫出使所從來久

吾又誰怨然鮒

也賄弗與不已召使者裂裳帛而與之曰帶其褊矣

言帶褊盡故裂裳示不相逆

趙孟聞之曰臨患不忘國忠也思難

不越官信也

謂言叔出季處

圖國忘死貞也謀主三者義也

三者忠信貞

有是四者又可戮乎乃請諸楚曰魯雖有罪

其執事不辟難

執事謂叔孫

畏威而敬命矣子若免之以

勸左右可也若子之羣吏處不辟汚

汚勞事

出不逃難

其何患之有患之所生汚而不治難而不守所由來

也能是二者又何患焉不靖其能其誰從之

安靖賢能則衆

附魯叔孫豹可謂能矣請免之以靖能者子會而赦

有罪又賞其賢諸侯其誰不欣焉望楚而歸之視遠

如邇疆場之邑一彼一此何常之有王伯之令也引

其封疆而樹之官

引正也

舉之表旗而著之制令

旌旗以表

貴賤為諸侯作制度法令使不得相侵犯

過則有刑猶不可壹於是乎虞

有三苗

三苗饕餮放三危者

夏有觀扈

觀杜注觀國頓丘衛縣今山東觀城縣西有古

觀國城扈杜注在始平鄠縣今陝西鄠縣北有古城書序曰啟與有扈戰於甘之野

商有姚邳

姚邳杜注二國商諸侯邳今下邳縣竹

周有徐奄

徐奄

杜注二國皆嬴姓書序曰成王伐淮夷遂踐奄徐即淮夷今山東曲阜縣舊城即古奄地

自無令

王諸侯逐進

逐猶競也

狎主齊盟其又可壹乎恤大舍小

足以為盟主又焉用之

焉用治小事

封疆之削何國蔑有

主齊盟者誰能辯焉

辯治也

吳濮有釁楚之執事豈其

顧盟

吳在東濮在南杜注建寧郡南有濮夷在今雲南界

莒之疆事楚勿與知

諸侯無煩不亦可乎莒魯爭鄆為日久矣苟無大害

於其社稷可無亢也

亢禦

去煩宥善莫不競勸子其圖

之固請諸楚楚人許之乃免叔孫

令尹享趙孟賦

大明之首章

大明詩大雅言文王明明照於下故能赫赫盛於上令尹意在前章故特稱以

自光

趙孟賦小宛之二章

小宛詩小雅取其各敬爾儀天命不又言天命一去

不可復還以戒令尹事畢趙孟謂叔向曰令尹自以為王矣何

如對曰王弱令尹強其可哉言可成雖可不終趙孟曰

何故對曰強以克弱而安之強不義也安於勝君是強而不義

不義而強其斃必速詩曰赫赫宗周褒姒滅之強不

義也

詩小雅褒姒幽王后王惑焉而行不義遂至滅亡言雖赫赫威疆不義足以滅之

令尹

為王必求諸侯晉少懦矣諸侯將往若獲諸侯其虐

滋甚民弗堪也將何以終夫以彊取不義而克必以

為道道以淫虐弗可久已矣

為十二年楚弑靈王傳

公羊傳 鄆者何內之邑也其言取之何不聽也

季孫宿救台遂入鄆欲取而未得故承莒亂伐而取之其事與歸父伐邾取繹同而書法異何也使書伐莒取鄆則疑於始討賊而終得賂但書取鄆則攻奪而已矣

附錄左傳

夏四月趙孟叔孫豹曹大夫入于鄭

會罷過鄭鄭伯

兼享之子皮戒趙孟

戒享期

禮終趙孟賦瓠葉

受所戒禮畢而

賦詩瓠葉詩小雅義取古人不以微薄廢禮雖瓠葉免首猶與賓客享之

子皮遂戒穆叔

且告之

告以趙孟賦秋葉

穆叔曰趙孟欲一獻

秋葉詩義取薄物而以獻

酬知欲一獻

子其從之子皮曰敢乎穆叔曰夫人之所欲

也又何不敢及享具五獻之邊豆於幕下

朝聘之制大國之卿

五趙孟辭私于子產曰武請于冢宰矣

冢宰子皮請謂賦秋葉

乃用一獻趙孟為客禮終乃宴穆叔賦鵲巢

鵲巢詩召南喻

晉君有國趙孟治之

趙孟曰吾不堪也又賦采芣

亦詩召南義取芣苢薄物

可以薦公侯享其信不求其厚

曰小國為繁大國省穡而用之其何

實非命

穡愛也

子皮賦野有死麕之卒章

亦詩召南卒章喻趙孟以

義撫諸侯無以

趙孟賦常棣

常棣詩小雅取其凡今之人莫如兄弟言欲親

兄弟之國

且曰吾兄弟比以安危也可使無吠

受子皮之詩穆

叔子皮及曹大夫興拜舉兕爵曰小國賴子知免於

戾矣

兕爵罰不敬言小國蒙趙孟德比以安自知免此罰戮

飲酒樂趙孟出曰

吾不復此矣天王使劉定公勞趙孟於潁館於雒

汭

王景王定公劉夏雒汭杜注在河南鞏縣南水曲流為汭

劉子曰美哉禹功見

雒而思禹功

明德遠矣微禹吾其魚乎吾與子弁冕端委

以治民臨諸侯

端委禮衣

禹之力也子盍亦遠績禹功而

大庇民乎對曰老夫罪戾是懼焉能恤遠吾儕偷食朝不謀夕何其長也劉子歸以語王曰諺所謂老將知而耄及之者也耄亂也其趙孟之謂乎為晉正卿以主

諸侯而儕於隸人朝不謀夕棄神人矣神怒民叛何以能久趙孟不復年矣言將死不復見明年神怒不歆其祀民

叛不即其事祀事不從又何以年

為此冬趙孟卒張本

叔孫

歸曾天御季孫以勞之旦及日中不出

恨季孫伐莒使已幾被戮

曾天謂曾阜曰

阜叔孫家臣

旦及日中吾知罪矣魯以相

忍為國也忍其外不忍其內焉用之

欲受楚戮是忍其外日中不出

是不忍其內

阜曰數月於外

言叔孫勞役在外數月

一旦於是庸何

傷賈而欲贏而惡囂乎

言譬如商賈求贏利者不得惡喧囂之聲

阜謂叔

孫曰可以出矣叔孫指楹曰雖惡是其可去乎

楹柱也

喻魯有季孫猶屋有柱

乃出見之

鄭徐吾犯之妹美

犯鄭公夫

孫楚聘之矣

楚子南穆公孫

公孫黑又使強委禽焉

禽鴈也納採用

鴈犯懼告子產子產曰是國無政非子之患也唯所

欲與犯請於二子請使女擇焉皆許之子皙盛飾入

布幣而出

子皙公孫黑布陳贄幣

子南戎服入左右射超乘而

出女自房觀之曰子皙信美矣抑子南夫也

言文夫

夫婦婦所謂順也適子南氏子皙怒既而橐甲以見

子南欲殺之而取其妻子南知之執戈逐之及衝

衝交

道擊之以戈子皙傷而歸告大夫曰我好見之不知

其有異志也故傷大夫皆謀之子產曰直鈞幼賤有

罪罪在楚也

先聘子南直也子南用戈子皙直也子產力未能討故鈞其事歸罪於楚

乃

執子南而數之曰國之大節有五女皆奸之畏君之

威聽其政尊其貴事其長養其親五者所以為國也

今君在國汝用兵焉不畏威也奸國之紀不聽政也

奸國之紀謂傷人

子皙上大夫女嬖大夫而弗下之不尊貴

也幼而不忌不事長也

忌畏也

兵其從兄

子皙子南之從兄

不

養親也君曰余不女忍殺宥女以遠勉速行乎無重

而罪五月庚辰鄭放游楚於吳

游楚即子南

將行子南子

產咨於大叔

大叔游楚之兄子

大叔曰古不能亢身焉能亢

宗

亢蔽也

彼國政也非私難也子圖鄭國利則行之又

何疑焉周公殺管叔而蔡蔡叔

蔡放也

夫豈不愛王室

故也吉若獲戾子將行之何有於諸游

為二年鄭殺公孫黑傳

夏秦伯之弟鍼出奔晉

左傳

秦后子有寵於桓如二君子景

后子秦桓公子景公母弟鍼也其權

寵如二君

其母曰弗去懼選

選數也恐景公數其罪而加戮

癸卯鍼適晉

其車千乘書曰秦伯之弟鍼出奔晉罪秦伯也

罪失教

后子享晉侯造舟於河

造舟為梁通秦晉之道

十里舍車

一舍八乘

為八反之備

自雍及絳

雍絳相去千里

歸取酬幣

備九獻之儀始禮自齊其一故

續送其八

酬酒幣 終事八反

每十里以八乘車各以次載幣相授而還不徑至故言八反千

里用車八百乘其二百乘以自隨傳言秦鉞之奢富

司馬侯問焉曰子之車盡

於此而已乎對曰此之謂多矣若能少此吾何以得

見

言已坐車多故出奔

女叔齊以告公且曰秦公子必歸臣聞

君子能知其過必有令圖令圖天所贊也后子見趙

孟趙孟曰吾子其曷歸

問何時當歸

對曰鉞懼選於寡君

是以此將待嗣君趙孟曰秦君何如對曰無道趙

孟曰亡乎對曰何為一世無道國未艾也

艾絕也

國於

天地有與立焉

言欲補助之者多

不數世淫弗能斃也趙孟

曰天乎對曰有焉趙孟曰其幾何對曰鉞聞之國無

道而年穀和熟天贊之也鮮不五稔趙孟視蔭曰朝

夕不相及誰能待五

蔭日景趙孟意衰以日景自喻故言如此

后子出而

告人曰趙孟將死矣主民翫歲而愒日

翫愒皆貪也

其與

幾何

公羊傳

秦無大夫此何以書仕諸晉也曷為仕諸晉有

千乘之國而不能容其母弟故君子謂之出奔也

穀梁傳

諸侯之尊弟兄不得以屬通其弟云者親之也

親而奔之惡也

鍼者秦桓公之子景公母弟也桓公愛其少子寵
賚優厚鍼遂富擬於君所以出奔也國家強幹弱
枝衣服禮秩皆有差等非徒為國遠慮亦以善全
其所愛耳鍼以公子至有車千乘則其人亦非能
守禮秉義者然既奔之後能自知其過必有令圖
是以終得返國與

附錄左傳

鄭為游楚亂故六月丁巳鄭伯及其大夫盟于

公孫段氏罕虎公孫僑公孫段印段游吉駟帶私盟

于閭門之外實薰隧

閭門鄭城門薰隧門外道名實之者為明年子產數子替罪稱

薰隧盟起本

公孫黑強與于盟使大史書其名且曰七子

自欲同于六卿故曰七子

子產弗討

子替強討之恐亂國

六月丁巳邾子華卒

晉荀吳帥師敗狄于大鹵

大鹵公羊穀梁作大原杜注大原晉陽縣

左傳晉中行穆子敗無終及羣狄于大原

即大鹵也崇無終山戎崇

卒也將戰魏舒曰彼徒我車所遇又阨

地險不便車

以什

其車必克

更增十人以當一車之用

困諸阨又克請皆卒

去車為步卒

自我始乃毀車以為行五乘為三伍

乘車者車三人五乘十五人今

改去車更以五人為伍分為三伍

荀吳之嬖人不肯即卒斬以徇為

五陳以相離兩于前伍于後專為右角參為左角偏

為前拒

皆臨時處置之名

以誘之翟人笑之未陳而薄之大

敗之

公羊傳

此大鹵也曷為謂之太原地物從中國邑人名

從主人原者何上平曰原下平曰隰

穀梁傳

傳曰中國曰大原夷狄曰大鹵號從中國名從

主人

悼公復霸魏絳請和戎曰勞師于戎而楚伐陳必
不能救晉既委諸侯于楚而又有事於狄此楚圍
所以得假討賊之名以併吞陳蔡與

秋莒去疾自齊入于莒

左傳

莒展與立而奪羣公子秩公子召去疾于齊

去疾奔齊

在襄三
十一年秋齊公子鉏納去疾

去疾以名繫國與齊小白同明其當有國也於次
去疾為長以君弑出奔而國人召之則其復無惡
可知矣

莒展與出奔吳

展下公羊穀
梁無與字

左傳展與奔吳

展與之立踰年矣與鄭忽曹羈異而不稱爵其罪
大也為弑君者所立既立乎其位而不能討賊則

不可以有國矣以名繫國以其嘗為世子與鄭突曹赤無先君之命者異也其奔吳本吳出也

叔弓帥師疆鄆田

左傳叔弓帥師疆鄆田因莒亂也

此春取鄆今正其疆界

于是莒

務婁督胡及公子滅明以大厖與常儀靡奔齊

三子展與

黨大厖常儀靡杜注莒二邑當在今莒州北竟

君子曰莒展之不立棄人也

夫

奪羣公子秋是棄人

人可棄乎詩曰無競維人善矣

詩周頌言惟得

人則國
家強

公羊傳 疆鄆田者何與莒為竟也與莒為竟則曷為師

師而往畏莒也

穀梁傳 疆之為言猶竟也

取鄆不書師師者乘莒亂出其不意而取之為易
今欲固其所得則莒人來爭必矣故動大衆使卿
將以疆之脅莒以必從也

葬邾悼公

邾滕薛小國也秦遠國也皆至昭公而書葬魯衰

甚矣待小國如大國遠國如近國

附錄 晉侯有疾鄭伯使公孫僑如晉聘且問疾叔向

問焉曰寡君之疾病卜人曰實沈臺駘為祟史莫之

知敢問此何神也子產曰昔高辛氏有二子高辛氏伯

曰閼伯季曰實沈居于曠林不相能也曠林杜注地闕日尋

干戈以相征討后帝不臧后帝堯也遷閼伯于商丘主辰

商丘杜注宋地即今河南南商丘縣辰大火也商人是因故辰為商星商人

相土封商丘因閼遷實沈于大夏主參大夏杜注晉陽縣即太原

伯故國祀辰星

也參唐人是因以服事夏商唐人若劉其季世曰唐

水星

唐人若劉累之等

其季世曰唐

叔虞當武王邑姜方震大叔

邑姜武王后懷胎為震大叔即叔虞

夢帝

謂已余命而子曰虞將與之唐屬諸參而蕃育其子

孫及生有文在其手曰虞遂以命之及成王滅唐而

封大叔焉故參為晉星由是觀之則實沈參神也昔

金天氏有裔子曰昧為玄冥師生允格臺駘

金天氏帝少皞

玄冥水官昧

為水官之長臺駘能業其官宣汾洮

汾洮杜注二水名後漢志聞喜

有洮水今聞障大澤以處大原帝用嘉之

帝顓頊封諸

喜縣屬山西

汾川沈如蓐黃實守其祀

四國臺駘之後

今晉主汾而滅之

矣由是觀之則臺駘汾神也抑此二者不及君身山

川之神則水旱癘疫之災於是乎崇之

周禮四曰崇祭為營僎用

幣以祈福祥

日月星辰之神則雪霜風雨之不時于是乎

崇之若君身則亦出入飲食哀樂之事也山川星辰

之神又何為焉僑聞之君子有四時朝以聽政晝以

訪問夕以修令夜以安身于是乎節宣其氣勿使有

所壅閉湫底以露其體

湫集也底滯也露羸也節宣失時則血氣集滯而體羸露

茲心不爽而昏亂百度

爽明也

今無乃壹之

同四時也

則生

疾矣僑又聞之內官不及同姓

內官嬪御

其生不殖

殖長也

美先盡矣則相生疾

同姓之相與先美矣美極則盡盡則生疾

君子是以

惡之故志曰買妾不知其姓則卜之違此二者古之

所慎也

壹四時取同姓二者古人所慎

男女辨姓禮之大司也今君

內實有四姬焉

同姓姬四人

其無乃是也乎若由是二者

弗可為也已

為治也

四姬有省猶可無則必生疾矣

據異

姓去同姓故言省

叔向曰善哉肸未之聞也此皆然矣叔向

出行人揮送之叔向問鄭故焉且問子皙對曰其與
幾何無禮而好陵人怙富而卑其上弗能久矣晉侯
聞子產之言曰博物君子也重賄之 晉侯求醫于

秦秦伯使醫和視之曰疾不可為也是謂近女室疾

如蠱

蠱惑疾

非鬼非食惑以喪志

惑女色而失志

良臣將死天

命不祐公曰女不可近乎對曰節之先王之樂所以

節百事也故有五節

五聲之節

遲速本末以相及中聲以

降五降之後不容彈矣

此謂先王之樂得中聲聲成五降而息也降罷退

於

是有煩手淫聲惱堙心耳乃忘平和君子弗聽也

五降

不息則雜聲竝奏惱慢也書無即惱淫物亦如之至于煩乃舍也已無

以生疾君子之近琴瑟以儀節也非以惱心也

為心之儀

節使動天有六氣

謂陰陽風雨晦明也

降生五味

謂金味辛木味酸水味鹹

火味苦土味甘皆發為五色

辛色白酸色青醎色黑苦色赤甘色黃發見也

徵為五聲

白聲商青聲角黑聲羽赤聲徵黃聲宮徵驗也

淫生六疾

淫過也

六

氣曰陰陽風雨晦明也分為四時序為五節過則為

蓄陰淫寒疾

寒過則為冷

陽淫熱疾

熱過則喘渴

風淫末疾

末四

肢也風為緩急

雨淫腹疾

雨濕之氣為洩注

晦淫惑疾

晦夜也為宴寢過節則心

惑明淫心疾

明晝也思慮煩多心勞生疾

女陽物而晦時淫則生

內熱惑蠱之疾

女常隨男故言陽物家道常在夜故言晦時

今君不節不

時能無及此乎出告趙孟趙孟曰誰當良臣對曰主

是謂矣主相晉國于今八年晉國無亂諸侯無闕可

謂良矣和聞之國之大臣榮其寵祿任其大節有蓄

禍興而無改焉

改改行以救蓄

必受其咎今君至于淫以生

疾將不能圖恤社稷禍孰大焉主不能禦吾是以云

也趙孟曰何謂蠱對曰淫溺惑亂之所生也于文皿

蟲為蠱

文字也皿器也器受蟲害者為蠱

穀之飛亦為蠱

穀久積則變為飛蟲

名曰

在周易女惑男風落山謂之蠱



巽下艮上蠱巽為長

女為風艮為少男為山少男說長女非匹故惑山木得風而落

皆同物也

物猶類也趙孟

曰良醫也厚其禮而歸之

冬十有一月己酉楚子麇卒

麇公羊穀梁作卷

左楚公子圍使公子黑肱伯州犂城犂櫟邾

黑肱王子圍之

弟子皙也犂櫟邾杜注犂縣屬南陽邾縣屬襄城櫟河南陽翟縣三邑本鄭地今犂縣故城在河南魯山

縣東南鄭縣屬河南汝州

鄭人懼子產曰不害令尹將行大事而

先除二子也

二子謂黑肱伯州犂

禍不及鄭何患焉冬楚公子

圍將聘于鄭伍舉為介未出竟聞王有疾而還伍舉

遂聘十一月己酉公子圍至入問王疾縊而弑之遂

殺其二子幕及平夏

皆鄭教子

右尹子干出奔晉

子干王子此

宮廐尹子皙出奔鄭殺大宰伯州犂于郊葬王于郊

謂之郊教使赴于鄭伍舉問應為後之辭焉

問赴者對

曰寡大夫圍伍舉更之曰共王之子圍為長

伍舉更赴辭使

從禮此告終稱嗣
不以篡弒赴諸侯

子干奔晉從車五乘叔向使與秦

公子同食

食禄同

皆百人之餼趙文子曰秦公子富叔

向曰底祿以德

底致也

德鈞以年年同以尊公子以國

不聞以富且夫以千乘去其國彊禦已甚詩曰不侮

鰥寡不畏彊禦

詩大雅

秦楚匹也使后子與子干齒

以年

齒為高下而生

辭曰鍼懼選楚公子不獲是以皆來亦唯命

不獲不得自安言
唯主人命所處

且臣與羈齒無乃不可乎

后子先來仕欲

自同于晉臣為主
人子干後來奔以為羈旅之客

史佚有言曰非羈何忌

忌敬

也欲讒
以自別

楚靈王即位

靈王公子圍也即位易名熊虔

遂罷為令尹

遂啓疆為大宰鄭游吉如楚葬鄭教且聘立君歸謂
子產曰具行器矣楚王汰侈而自說其事必合諸侯
吾往無日矣子產曰不數年未能也

為四年
會申傳

據傳及他書言麋為圍所弑者不可悉數而經書
卒或曰以申之會為諸侯諱也夫亂賊不討如成
宋亂宋災故之類聖人皆明著其罪何以諱為或
曰麋以病卒實非弑也則諸傳記所云豈盡妄乎

蓋楚無齊晉太史之直書列國之史皆承其偽赴
無所據以革之與鄭伯髡頑等耳

楚公子比出奔晉

鄭伯髡頑以如會道卒故可變文以發人之疑而
楚麋則無可因之事也然圍與比皆公子圍專兵
柄麋卒而比奔圍遂得國而麋之子不立則其情
亦不可掩矣

附錄
左傳

十二月晉既烝

烝冬祭也

趙孟適南陽將會孟子餘

孟子餘趙衰趙武之曾祖其廟在于晉之南陽溫縣往會祭之甲辰朔雩于溫趙氏

甲辰十月庚戌卒十二月七日終劉鄭伯如晉弔及雍

乃復傳言大夫強諸侯畏而弔之

二年春晉侯使韓起來聘

左二年春晉侯使韓宣子來聘公即位故宣子韓起且告為政

而來見代趙武為政禮也觀書于太史氏見易象與魯春

秋曰周禮盡在魯矣易象上下經之象辭魯春秋史記之策書春秋遵周公之典以

序事故曰周禮吾乃今知周公之德與周之所以王也公享

之季武子賦繇之卒章

繇詩大雅卒章義取文王有四臣故能興起以晉侯比文

王以韓子比四輔

韓子賦角弓

角弓詩小雅取其兄弟昏姻無胥遠矣

季武子

拜曰敢拜子之彌縫敝邑寡君有望矣

謂以兄弟之義

武子

賦節之卒章

節詩小雅卒章取式記爾心以畜萬邦以美晉德

既享宴于季

氏有嘉樹焉宣子譽之武子曰宿敢不封殖此樹以

無忘角弓遂賦甘棠

甘棠詩召南召伯息于甘棠之下詩人思之而愛其樹武子故

封殖嘉樹如甘棠以宣子比召公

宣子曰起不堪也無以及召公宣

子遂如齊納幣

為平公聘少姜

見子雅子雅召子旗

子旗子雅之子

使見宣子宣子曰非保家之主也不臣

志氣亢

見子尾

子尾見彊

彊子尾之子

宣子謂之如子旗大夫多笑之唯

晏子信之曰夫子君子也

夫子韓起

君子有信其有以知

之矣自齊聘于衛衛侯享之北宮文子賦淇澳

淇澳詩衛

風美武公也言宣子有武公之德

宣子賦木瓜

木瓜亦衛風義取欲厚報以為好

前此晉之聘魯者九未聞以上卿執政歛使者蓋

晉益衰故視列國如匹敵猶魯益衰則視邾薛如

大國耳

附錄
左傳

夏四月韓須如齊逆女

須韓起子
逆少姜

齊陳無宇送

女致少姜少姜有寵于晉侯晉侯謂之少齊

為立別號所以

寵異

謂陳無宇非卿執諸中都

中都杜注晉邑在西
河界休縣東南今山

西平遙縣西北
有中都古城

少姜為之請曰送從逆班

班也

畏大

國也猶有所易是以亂作

韓須公族大夫陳無宇上
大夫言齊畏晉改易禮制

使上大夫送遂致此執辱
之罪蓋少姜謙以示譏

夏叔弓如晉

左傳叔弓聘于晉報宣子也

此春韓宣
子來聘

晉侯使郊勞辭

曰寡君使弓來繼舊好固曰女無敢為賓徹命于執

事

徹達也

敝邑弘矣敢辱郊使請辭致館辭曰寡君命

下臣來繼舊好好合使成臣之祿也

祿榮也

敢辱大館

叔向曰子叔子知禮哉

子叔子叔弓

吾聞之曰忠信禮之

器也卑讓禮之宗也辭不忘國忠信也

謂稱舊好

先國後

己卑讓也

謂始稱敝邑之祿弘次稱臣之祿

詩曰敬慎威儀以近有德

夫子近德矣

詩大雅

秋鄭殺其大夫公孫黑

左傳鄭公孫黑將作亂欲去游氏而代其位

游氏大叔之族

傷疾作而不果駟氏與諸大夫欲殺之

駟氏黑子產之族

在鄙聞之懼弗及乘遽而至使吏數之曰伯有之亂

在襄三以大國之事而未爾討也爾有亂心無厭國

十年

不女堪專伐伯有而罪一也昆弟爭室而罪二也

謂爭

徐吾犯之妹薰隧之盟女矯君位而罪三也

謂使大史書七子有

死罪三何以堪之不速死大刑將至再拜稽首辭曰

死在朝夕無助天為虐子產曰人誰不死凶人不終

命也作凶事為凶人不助天其助凶人乎請以印為

褚師

印子哲之子
褚師市官

子產曰印也若才君將任之不才

將朝夕從女女罪之不恤而又何請焉不速死司寇

將至七月壬寅縊尸諸周氏之衢加木焉

書其罪于
木以加尸

上

黑怙彊而好亂干國之紀數矣君大夫畏而不敢
誅會其疾而後幸勝焉則所以討罪者非其道矣
故稱國以殺而不去其官

冬公如晉至河乃復季孫宿如晉

左傳晉少姜卒公如晉及河晉侯使士文伯來辭曰非

伉儷也請君無辱公還季孫宿遂致服焉致少姜之禭服叔

向言陳無宇于晉侯曰彼何罪君使公族逆之齊使

上大夫送之猶曰不共君求以貪國則不共逆卑于送是晉

國不共而執其使君刑已頗何以為盟主且少姜有辭

冬十月陳無宇歸 十一月鄭印段如晉弔弔少姜

公羊傳其言至河乃復何不敢進也

穀梁恥如晉故著有疾也 公如晉而不得入季孫

宿如晉而得入惡季孫宿也

季孫久自結於晉以擅魯自襄公之末君臣之讐已開故嗣君喪畢而朝霸國季孫畏公之訴已於晉也故使晉辭公而後已入焉公穀所傳實得其情蓋晉之彊家與季孫同志故計無不行觀此則子野之卒書法與見弑者不殊不可謂非筆削之大義也不然聖人作經豈若是混而無別哉

日講春秋解義卷四十七

欽定四庫全書

經部

日講春秋解義卷

四十八至五十一

詳校官監察御史臣莫瞻菴

給事中臣溫常綬覆勘

覆校官中書臣田尹衡

校對官中書臣葉蘭

謄錄監生臣陶鳴珂

欽定四庫全書

日講春秋解義卷四十八

昭公

三年春王正月

附錄左傳

三年春王正月鄭游吉如晉送少姜之葬梁丙

與張趯見之

二子晉大夫

梁丙曰甚矣哉子之為此來也

卿共安葬過禮甚

子太叔曰將得已乎昔文襄之霸也其務

不煩諸侯令諸侯三歲而聘五歲而朝有事而會不

協而盟君薨大夫弔卿共葬事夫人士弔大夫送葬

足以昭禮命事謀闕而已

朝聘以昭禮盟會以謀闕無加命矣有命

常今嬖寵之喪不敢擇位而數于守適

不敢以其位卑而令禮數

如守適夫人

惟懼獲戾豈敢憚煩少姜有寵而死齊必繼

室今茲吾又將來賀不唯此行也張趯曰善哉吾得

聞此數也然自今子其無事矣譬如火焉

火心星

火中

寒暑乃退

心以季夏昏中而暑退季冬旦中而寒退

此其極也能無退乎

晉將失諸侯諸侯求煩不獲

言將不能復煩諸侯

二大夫退子

大叔告人曰張趯有知其猶在君子之後乎

譏其無
隱諱

丁未滕子原卒

原公羊
作泉

左傳丁未滕子原卒同盟故書名

附錄
左傳

齊侯使晏嬰請繼室于晉

復以女
繼少姜

曰寡君使嬰

曰寡人願事君朝夕不倦將奉質幣以無失時則國

家多難是以不獲不腆先君之適

謂少姜

以備內官焜

耀寡人之望則又無祿早世隕命寡人失望君若不

忘先君之好惠顧齊國辱收寡人微福于大公丁公

二公齊先君

照臨敝邑鎮撫其社稷則猶有先君之適及

遺姑姊妹而人

言如常人不敢譽

君若不棄敝邑而辱使

董振擇之

董正也振整也言選擇精審也

以備嬪嬙寡人之望也韓

宣子使叔向對曰寡君之願也寡君不能獨任其社

稷之事未有伉儷在綰經之中是以未敢請君有辱

命惠莫大焉若惠顧敝邑撫有晉國賜之內主豈唯

寡君舉羣臣實受其貺其自唐叔以下實寵嘉之既

成昏

許昏成

晏子受禮

受賓享之禮

叔向從之宴相與語叔

向曰齊其何如

問興衰

晏子曰此季世也吾弗知齊其

為陳氏矣公棄其民而歸于陳氏齊舊四量豆區釜

鍾四升為豆各自其四以登于釜

四豆為區區斗六升四區為釜釜六

斗四升登成也

釜十則鍾

六斛四斗

陳氏三量皆登一焉鍾乃大

矣

登加也加一謂加舊量之一也以五升為豆五斗為區五區為釜則區二斗釜八斗鍾八斛以

家量貸而以公量收之

貸厚而收薄

山木如市弗加于山

魚鹽蜃蛤弗加于海

價如在山海不加貴

民參其力二入于公

而衣食其一

言公重賦斂

公聚朽蠹而三老凍餒

三老謂上壽中

壽下壽皆八十國之諸市屨賤踊貴踊則足者屨言則多民人

痛疾而或燠休之燠休痛念之聲謂陳氏也其愛之如父母而歸

之如流水欲無獲民將焉辟之箕伯直柄虞遂伯戲

四人皆舜後其相胡公大姬已在齊矣胡公四人之後周始封陳

之祖大姬其妃也言陳氏將叔向曰然雖吾公室今

亦季世也戎馬不駕卿無軍行公乘無人卒列無長

百人為卒言人皆庶民罷敝而公室滋侈道殣相望

而女富溢尤嬖寵民聞公命如逃寇讎樂郤胥原狐

續慶伯降在阜隸

八姓晉舊臣之族也阜隸賤官

政在家門民無所

依君日不悛以樂愒憂

愒藏也

公室之卑其何日之有

讒鼎之銘曰

讒鼎鼎名

昧旦丕顯後世猶怠

昧旦早起也丕大也言風

興以務大顯後世猶懈怠

況日不悛其能久乎晏子曰子將若何

叔向曰晉之公族盡矣肸聞之公室將卑其宗族枝

葉先落則公從之肸之宗十一族惟羊舌氏在而已

肸又無子

無賢子

公室無度幸而得死豈其獲祀初景

公欲更晏子之宅曰子之宅近市湫隘囂塵不可以

居請更諸奭塏者

奭明塏燥

辭曰君之先臣容焉臣不足

以嗣之于臣侈矣且小人近市朝夕得所求小人之

利也敢煩里旅

旅衆也不敢勞衆為已宅

公笑曰子近市識貴賤

乎對曰既利之敢不識乎公曰何貴何賤于是景公

繁于刑有鬻踊者故對曰踊貴屨賤既已告于君故

與叔向語而稱之景公為是省于刑君子曰仁人之

言其利博哉晏子一言而齊侯省刑詩曰君子如祉

亂庶遄已

詩小雅如行也祉福也遄疾也言君子行福則庶幾亂疾止也

其是之謂

乎及晏子如魯公更其宅反則成矣既拜

拜謝新宅

乃毀

之而為里室皆如其舊

本壞里室以大晏子之宅故復之

則使宅人

反之

還其故室

且諺曰非宅是卜唯隣是卜

卜良鄰

二三子

先卜隣矣

二三子謂隣人

違卜不祥君子不犯非禮

去儉即奢為非

禮

小人不犯不祥古之制也吾敢違諸乎卒復其舊

宅公弗許因陳桓子以請乃許之

夏四月鄭伯如

晉公孫段相甚敬而卑禮無違者晉侯嘉焉授之以

策

策賜命之書

曰子豐有勞于晉國

子豐段之父

余聞而弗忘

賜女州田

州杜注縣屬河內郡本周邑

以胙乃舊勲伯石再拜稽

首受策以出君子曰禮其人之急也乎伯石之汰也

一為禮于晉猶荷其祿況以禮終始乎詩曰人而無

禮胡不遄死其是之謂乎初州縣藥豹之邑也

豹藥盈族

及藥氏亡

在襄二十三年

范宣子趙文子韓宣子皆欲之文

子曰溫吾縣也

州本屬溫趙氏邑

二宣子曰自郤稱以別三

傳矣

郤稱晉大夫始受州自是州與溫別

晉之別縣不唯州誰獲治之

文子病之乃舍之二子曰吾不可以正議而自與也

皆舍之及文子為政趙獲曰

獲文子

可以取州矣文子

曰退二子之言義也

二子二宣子也

違義禍也余不能治余

縣又焉用州其以徼禍也君子曰弗知實難知而弗

從禍莫大焉有言州必死豐氏故主韓氏

舊以韓氏為主

伯石之獲州也韓宣子為之請之為其復取之之故

為七年豐氏
歸州張本

夏叔弓如滕五月葬滕成公

滕始書葬

左傳五月叔弓如滕葬滕成公子服椒為介及郊遇懿

伯之忌敬子不入

忌怨也懿伯椒之叔父敬子惠伯叔弓也叔弓禮椒為之辟仇

曰

惠伯子服椒

公事有公利無私忌椒請先入乃先受館

敬子從之

傳言叔弓之有禮

魯未嘗會小國之葬以襄公之葬滕子親來故厚報而使卿共事夫天王之葬魯有不會或使微者往比事以觀而其罪益著矣

附錄左傳

晉韓起如齊逆女

為平公逆

公孫蠆為少姜之有寵

也以其子更公女而嫁公子

更嫁公女

人謂宣子子尾欺

晉晉胡受之宣子曰我欲得齊而遠其寵

寵謂子尾

寵將

來乎 秋七月鄭罕虎如晉賀夫人且告曰楚人日

徵敝邑以不朝立王之故

楚靈王新立

敝邑之往則畏執

事其謂寡君而固有外心其不往則宋之盟云

云交相見

進退罪也寡君使虎布之宣子使叔向對曰君若辱

有寡君在楚何害修宋盟也君苟思盟寡君乃知免

于戾矣君若不有寡君雖朝夕辱于敝邑寡君猜焉

君實有心何辱命焉君其往也苟有寡君在楚猶在

晉也張趯使謂太叔曰自子之歸也

年春歸在此

小人糞

除先人之敝廬曰子其將來今子皮實來小人失望

大叔曰吉賤不獲來

賤非上卿

畏大國尊夫人也且孟曰

而將無事吉庶幾焉

孟張趯也庶幾如趯言

秋小邾子來朝

左傳小邾穆公來朝季武子欲卑之穆叔曰不可曹滕

二邾實不忘我好敬以逆之猶懼其貳又卑一睦焉

一睦謂小邾逆羣好也其如舊而加敬焉志曰能敬無災

又曰敬逆來者天所福也季孫從之

昭公即位之初大國來聘小國來朝雖仍邦交之舊然權臣擅國公室無民昭公中主無大過人之材故不能撥亂反正而先儒刻責之深亦未得其實也

八月大雩

左傳八月大雩旱也

附錄齊侯田于莒

莒齊東竟

盧蒲癭見泣且請曰余髮如

此種種余奚能為

嬰慶封黨襄二十八年放之于竟
種種短也自言衰老不能復為害

公曰諾吾告二子

雅二
子子
尾子

歸而告之子尾欲復之子

雅不可曰彼其髮短而心甚長其或寢處我矣九月

子雅放盧蒲嫫于北燕

作恐其復亂

冬大雨雹

北燕伯款出奔齊

左燕簡公多嬖寵欲去諸大夫而立其寵人冬燕大

夫比以殺公之外嬖

親比
比相

公懼奔齊書曰北燕伯款

出奔齊罪之也

穀梁傳其曰北燕從史文也

凡國君出奔不言其逐之者亦不著其所以出燕大夫殺君之寵人以脅而出之其罪大矣而第書款奔所謂存王法不誅其人身也

附錄十月鄭伯如楚子產相楚子享之賦吉日吉日詩小

左傳雅宣王田獵之詩楚王既享子產乃具田備王以田欲與鄭伯共田故賦之

江南之夢楚之雲夢跨江南北齊公孫竈卒竈子司馬竈見

晏子曰

司馬竈齊大夫

又喪子雅矣晏子曰惜也子旗不免

殆哉

以其不臣子旗子雅之子

姜族弱矣而嬀將始昌

嬀陳氏

二惠

競爽猶可

子雅子尾皆齊惠公之孫競強也爽明也

又弱一个焉姜其危

哉

四年春王正月大雨雹

雹公羊穀梁俱作雪

左傳大雨雹季武子問于申豐曰

申豐魯大夫

雹可禦乎對

曰聖人在上無雹雖有不為災古者日在北陸而歲

冰

陸道也謂夏十二月日在虛危冰堅而歲之

西陸朝覲而出之

謂夏三月日在

昴畢蟄蟲出而用冰春分之中奎星朝見東方其藏冰也深山窮谷固陰沍

寒于是乎取之

沍閉也必取積陰之冰所以道達其氣使不為災

其出之也

朝之祿位賓食喪祭于是乎用之其藏之也黑牡秬

黍以享司寒

黑牡黑牲也秬黑黍也司寒玄冥北方之神故物皆用黑有事于冰故祭其神

其出之也桃弧棘矢以除其災

桃弓棘箭所以禳除凶邪將御至尊故

其出入也時食肉之祿冰皆與焉

食肉之祿謂在朝廷治其職事就官

者大夫命婦喪浴用冰祭寒而藏之

享司寒獻羔而啓

之

二月春分獻羔祭韭始開冰室

公始用之

公先用優尊

火出而畢賦

星火

昏見東方謂三月四月中

自命夫命婦至于老疾無不受冰山人

取之縣人傳之

山人虞官也縣人遂屬

輿人納之隸人藏之夫

冰以風壯而以風出

順春風而散用

其藏之也周其用之也

徧則冬無愆陽

愆過也謂冬溫

夏無伏陰

伏陰謂夏寒

春無淒風

秋無苦雨雷出不震無蓄霜雹癘疾不降民不夭札

今藏川池之冰棄而不用

既不藏深山窮谷之冰又火出不畢賦有餘則棄之

風不越而殺雷不發而震

越散也言陰陽失序雷風為害

雹之為蓄

誰能禦之七月之卒章藏冰之道也

七月詩豳風卒章曰二之日鑿

氷冲冲謂十二月鑿而取之三之日納于凌陰凌陰氷室也四之日其蚤獻羔祭韭謂二月春分蚤開氷室以薦

宗廟

李氏專國有無君之心陰陽失位故冬春之間大雨雹者再而申豐乃以為藏冰非法之故或有畏而不敢正言或黨附李孫曲為之說以蔽君之聽要之皆名教之罪人也

附錄 四年春王正月許男如楚楚子止之遂止鄭伯

復田江南許男與焉

前年楚子已與鄭伯田江南故言復使叔舉如晉

求諸侯二君待之

鄭許二君

椒舉致命曰寡君使舉曰日

君有惠賜盟于宋

宋盟在襄二十七年

曰晉楚之從交相見也

以歲之不易寡人願結驪于二三君使舉請問君若

苟無四方之虞則願假寵以請于諸侯晉侯欲勿許

司馬侯曰不可楚王方侈天或者欲逞其心以厚其

毒而降之罰未可知也其使能終亦未可知也晉楚

唯天所相不可與爭君其許之而修德以待其歸若

歸于德吾猶將事之況諸侯乎若適淫虐楚將棄之

吾又誰與爭公曰晉有三不殆其何敵之有國險而

多馬齊楚多難

多難多篡試之禍

有是三者何鄉而不濟對曰

恃險與馬而虞隣國之難是三殆也四嶽

東嶽岱西嶽華南嶽

衡北三塗

三塗杜注在河南陸渾縣南水經注伊水歷崖口山峽也壁立如闕即古三塗山在

今河南

陽城

陽城杜注在陽城縣東北今河南登封縣北車嶺山是也

大室

大室杜注

在陽城縣西北即嵩高也在今河南登封縣北

荊山

荊山杜注在新城沅鄉縣南在今湖廣南漳縣

西中南

中南杜注在始平武功縣南在今陝西長安縣南

九州之險也是不

一姓冀之北土

燕代

馬之所生無興國焉恃險與馬不

可以為固也從古以然是以先王務修德音以亨神

人

亨通也

不聞其務險與馬也鄰國之難不可虞也或

多難以固其國啟其疆土或無難以喪其國失其守

宇

于國則四垂為宇

若何虞難齊有仲孫之難而獲桓公至

今賴之

仲孫公孫無知事在莊九年

晉有里平之難而獲文公是

以為盟主

里克平鄭事在僖九年

衛邢無難敵亦喪之

閔二年狄滅衛

僖二十五年衛滅邢

故人之難不可虞也恃此三者而不修政

德亡于不暇又何能濟君其許之紂作淫虐文王惠

和殷是以隕周是以興夫豈爭諸侯乃許楚使使叔

向對曰寡君有社稷之事是以不獲春秋時見言不
得自

往謙
辭

諸侯君實有之何辱命焉椒舉遂請昏蓋楚子
使舉時

兼使
求昏

晉侯許之楚子問于子產曰子產時從鄭
簡公在楚晉其

許我諸侯乎對曰許君晉君少安不在諸侯其大夫

多求

貪也

莫匡其君在宋之盟又曰如一若不許君將

焉用之

焉用
宋盟

王曰諸侯其來乎對曰必來從宋之盟

承君之歡不畏大國

大國
晉也

何故不來不來者其魯衛

曹邾乎曹畏宋邾畏魯魯衛偪于齊而親于晉唯是不來其餘君之所及也誰敢不至王曰然則吾所求者無不可乎對曰求逞于人不可與人同欲盡濟

夏楚子蔡侯陳侯鄭伯許男徐子滕子頓子胡子沈子

小邾子宋世子佐淮夷會于申

楚子專會諸侯始此

左傳夏諸侯如楚魯衛曹邾不會曹邾辭以難公辭以

時祭衛侯辭以疾

如子產言

鄭伯先待于申六月丙午楚

子合諸侯于申椒舉言于楚子曰臣聞諸侯無歸禮

以為歸今君始得諸侯其慎禮矣霸之濟否在此會

也夏啓有鈞臺之享

啓禹子鈞臺杜注河南陽翟縣南有鈞臺陂在今河南禹州城

北關

商湯有景亳之命

景亳杜注河南鞏縣西南有湯亭或言亳即偃師按今河

南偃師縣南有景山即此

周武有孟津之誓

孟津即盟津也

成有岐陽之

蒐

周成王歸自奄大蒐于岐山之陽岐山杜注在扶風美陽縣西北在今陝西岐山縣境

康有

鄠宮之朝

鄠杜注在始平鄠縣東有靈臺括地志鄠縣東三十五里有豐宮今屬陝西西安府

穆有塗山之會

周穆王會諸侯于塗山塗山杜注在壽春東北今山在江南懷遠縣東南

桓有召陵之師

在僖十四年

晉文有踐土之盟

在僖二十八年

君其

何用宋向戌鄭公孫僑在諸侯之良也君其選焉

擇

所用王曰吾用齊桓王使問禮于左師與子產左師曰

小國習之大國用之敢不薦聞獻公合諸侯之禮六

其禮六儀也宗公爵故獻公禮

子產曰小國共職敢不薦守獻伯子

男會公之禮六

鄭伯爵故獻伯子男會公之禮其禮同所從言之異

君子謂合

左師善守先代子產善相小國王使叔舉侍于後以

規過

規正二子之過

卒事不規王問其故對曰禮吾未見者

有六焉又何以規

左師子產所獻六禮楚皆未嘗行

宋大子佐後至

王田于武城久而弗見椒舉請辭焉

請王辭謝之

王使往

曰屬有宗祧之事于武城

言為宗廟田獵

寡君將墮幣焉敢

謝後見

墮布也輸也恨其後至故言將因諸侯會布幣乃相見

徐子吳出也以

為貳焉故執諸申楚子示諸侯侈椒舉曰夫六王二

公之事

六王啓湯武成康穆也二公齊桓晉文

皆所以示諸侯禮也諸

侯所由用命也夏桀為仍之會有緡叛之

仍緡杜注皆國名

商紂為黎之蒐東夷叛之

黎杜注東方國名

周幽為大室之

盟戎狄叛之

大室中嶽

皆所以示諸侯汰也諸侯所由棄

命也今君以汰無乃不濟乎王弗聽子產見左師曰
吾不患楚矣汰而懷諫不過十年左師曰然不十年
侈其惡不遠遠惡而後棄善亦如之德遠而後興為十

三年楚弑
其君傳

晉霸始哀齊首背之平公猶屢合諸侯以討焉自
齊莊公死齊與晉平晉侯自是不復出與會盟故
楚虔遂合諸侯借討亂之名以逞其貪暴雖虔終
自敗而天下之大勢遂不可復挽矣其原皆由晉

政不綱諸卿植黨列國彊家爭附之以固其私而
怠於公義也春秋之初亂臣賊子國人鄰國皆應
時致討其後乃有受其賂而不討與之會以定其
位者至於楚虔則天下諸侯奉為盟主而屬服焉
以晉之季世屢以賂釋亂賊而不討諸侯離心勢
已外潰六卿則而象之權復內移以至流毒於生
民如其烈也

楚人執徐子

吳晉通使道必由徐徐吳出也故雖屬楚而不禁
吳晉之通故楚既與之會而又執之不言歸者在
會而執尋釋之也

秋七月楚子蔡侯陳侯許男頓子胡子沈子淮夷伐吳

左傳秋七月楚子以諸侯伐吳宋太子鄭伯先歸

經所以更

叙諸侯宋華費遂鄭大夫從

執齊慶封殺之

左傳使屈申圍朱方

朱方杜注吳邑慶封所封也屈申屈蕩子八月甲申克

之執齊慶封而盡滅其族

慶封以襄二十八年奔吳八月無甲申日誤將

戮慶封椒舉曰臣聞無瑕者可以戮人慶封唯逆命

是以此

逆命謂性不恭順

其肯從于戮乎

言不肯默而從戮

播于

諸侯焉用之王弗聽負之斧鉞以徇于諸侯使言曰

無或如齊慶封弑其君弱其孤以盟其大夫

齊崔杼弑君慶

封其黨也故以弑君罪責之

慶封曰無或如楚共王之庶子圍弑

其君兄之子麋而代之盟諸侯王使速殺之

公羊傳此伐吳也其言執齊慶封何為齊誅也其為齊

誅奈何慶封走之吳吳封之于防然則曷為不言伐防不與諸侯專封也慶封之罪何脅齊君而亂齊國也

穀梁傳

此人而殺其不言入何也慶封封乎吳鍾離

言時

殺慶封于鍾離實不入吳

其不言伐鍾離何也不與吳封也慶封

其以齊氏何也為齊討也靈王使人以慶封令于軍中曰有若齊慶封弑其君者乎慶封曰子一息我亦且一言曰有若楚公子圍弑其兄之子而代之以為君

者乎軍人粲然皆笑

粲然盛笑貌

慶封弑其君而不以弑

君之罪罪之者慶封不為靈王服也不與楚討也春秋之義用貴治賤用賢治不肖不以亂治亂也孔子曰懷惡而討雖死不服其斯之謂與

春秋書殺他國大夫之法有二凡有罪而當誅者曰某人殺某若楚人殺陳徵舒是也無罪者書執而殺之若執蔡世子有以歸用之執陳行人干徵師殺之是也慶封有與弑其君之罪而不書殺齊

慶封慶封不為楚虔服也懷惡而討雖死不服故
不得純以討賊之辭書

遂滅賴

賴公羊穀
梁俱作厲

左傳遂以諸侯滅賴賴子面縛銜璧士袒輿櫬從之造

于中軍王問諸椒舉對曰成王克許在僖六年許僖公如

是王親釋其縛受其璧焚其櫬王從之遷賴于鄆杜鄆

注楚邑楚子欲遷許于賴使鬬韋龜與公子棄疾城之

而還為許城也鬬韋龜子文之玄孫申無宇曰楚禍之首將在此矣

召諸侯而來伐國而克城竟莫校

謂築城于外竟諸侯無與爭

心不違民其居乎

言將有事不得安也

民之不處其誰堪之不

堪王命乃禍亂也

穀梁傳遂繼事也

九月取鄆

左傳九月取鄆言易也莒亂著丘公立而不撫鄆

著丘公去

疾也鄆叛而來故曰取凡克邑不用師徒曰取

公羊傳其言取之何滅之也滅之則其言取之何內大

惡諱也

襄六年莒人滅鄆尚未絕其祀以為附庸今魯復取之莒不書伐莒鄆叛而來不用師徒也

附錄左傳

鄭子產作丘賦

丘十六井當出馬一匹牛三頭今子產別賦其田如魯哀公十

一年之用田賦

國人謗之曰其父死于路

謂子國為尉氏所殺

已為蠆

尾

謂子產重賦毒害百姓

以令于國國將若之何子寬以告子

鄭大夫

子產曰何害苟利社稷死生以之且吾聞為善

者不改其度故能有濟也民不可逞度不可改

度法也

詩曰禮義不愆何恤于人言

詩逸

吾不遷矣

遷移也

渾罕

曰渾罕

國氏其先亡乎君子作法于涼其敝猶貪涼

薄

也作法于貪敝將若之何姬在列者

在列國也

蔡及曹滕

其先亡乎偪而無禮

蔡偪楚曹滕偪宗

鄭先衛亡偪而無法

偪晉政不率法而制于心民各有心何上之有

子產權時

救急渾罕

冬吳伐楚入棘櫟麻

棘櫟麻杜注皆楚東鄙邑譙國鄩縣

東北有棘亭汝陰新蔡縣東北有櫟亭今河南新蔡縣北野櫟店即古櫟城也魏收志安陽縣治麻城在

今江南碭山縣境

以報朱方之役

朱方役在此年秋

楚沈尹射奔命

于夏汭

夏汭杜注漢水曲入江今夏口也亦曰漢口在今湖廣江夏縣吳兵在東北楚盛兵在東

南以絕其後

歲尹宜咎城鍾離

宜咎本陳大夫襄二十四年奔楚

遠啓疆

城巢然丹城州來

然丹鄭穆公孫襄十九年奔楚

東國水不可以城

東國即賴之故國也

彭生罷賴之師

彭生楚大夫罷鬬韋龜城賴之師

冬十有二月乙卯叔孫豹卒

左初穆子去叔孫氏及庚宗

成十六年辟僑如之難庚宗杜注魯地今山東

泗水縣有庚宗亭

遇婦人使私為食而宿焉問其行告之故

哭而送之

婦人聞而哭之

適齊娶于國氏生孟丙仲士夢天

壓已弗勝

穆子夢也

顧而見人黑而上僂

上僂肩偃

深目而顴

喙

口象猪

號之曰牛助余乃勝之旦而皆召其徒無之

徒從者

且曰志之

志識也

及宣伯奔齊

宣伯僑如穆子之兄成十六年奔齊

饋之

穆子饋宣伯

宣伯曰魯以先子之故將存吾宗必召

女召女何如對曰願之久矣

蓋忿言

魯人召之不告而

歸既立所宿庚宗之婦人獻以雉問其姓

女生曰姓謂子也

對曰余子長矣能奉雉而從我矣召而見之則所夢

也未問其名號之曰牛曰唯皆召其徒使視之遂使

為豎

豎小臣

有寵長使為政

為家政

公孫明知叔孫于齊

公孫明齊大夫子明

歸未逆國姜子明取之

國姜孟仲母

故怒其子

長而後使逆之

子孟丙仲士

田于丘猶

丘猶杜注地名

遂遇疾焉

豎牛欲亂其室而有之強與孟盟不可

欲使從已孟不肯

叔

孫為孟鐘曰爾未際

際接也孟未與諸大夫相接見

饗大夫以落之

以豶猪血

饗鐘曰落既具

饗禮具

使豎牛請日

請饗日

入弗謁出命

之日

詐命日

及賓至聞鐘聲牛曰孟有北婦人之客

北婦

人國姜也客謂公孫明

怒將往牛止之賓出使拘而殺諸外

殺孟

丙牛又強與仲盟不可仲與公御萊書觀于公萊書

士名仲與之私遊觀于公宮

公與之環使牛入示之

示叔孫

入不示

出命佩之牛謂叔孫見仲而何

而何如何

叔孫曰何為曰

不見既自見矣

言仲已自往見公

公與之環而佩之矣遂逐

之奔齊疾急命召仲牛許而不召杜洩見告之饑渴

授之戈

杜洩叔孫氏宰也牛不食叔孫叔孫怒欲使杜洩殺之

對曰求之而至

又何去焉豎牛曰夫子疾病不欲見人使寘饋于个

而退

个東廂

牛弗進則置虛命徹

寫器令空示若叔孫已食命去之

二月癸丑叔孫不食乙卯卒

絕糧三日

牛立昭子而相之

昭子叔孫豹之庶子叔孫婼

公使杜洩葬叔孫豎牛賂叔仲昭子

與南遺

昭子叔仲帶也南遺季氏家臣

使惡杜洩于季孫而去之

憎洩

不與已同志

杜洩將以路葬且盡卿禮

路王所賜叔孫車

南遺謂

季孫曰叔孫未乘路葬焉用之且冢卿無路介卿以

葬不亦左乎

冢卿謂季孫介次也謂叔孫

季孫曰然使杜洩舍路

不可曰夫子受命于朝而聘于王

夫子謂叔孫聘在襄二十四年

王

思舊勲而賜之路復命而致之君君不敢逆王命而

復賜之使三官書之吾子為司徒實書名

謂季孫也書名定位

號夫子為司馬與工正書服

謂叔孫也服車服之器工正所書

孟孫

為司空以書勲今死而弗以是棄君命也書在公府而弗以是廢三官也若命服生弗敢服死又不以將焉用之乃使以葬季孫謀去中軍豎牛曰夫子固欲

去之

誣叔孫以媚季孫

五年春王正月舍中軍

左五年春王正月舍中軍卑公室也

罷中軍季孫稱左師孟氏稱右

師叔孫氏則自毀中軍于施氏成諸臧氏

季孫不欲親其議勅

以叔孫為軍名二家會諸大夫發毀初作中軍三分公室而各有其

置之計又取其令名一季氏盡征之叔孫氏臣其子弟孟氏取其半焉及

其舍之也四分公室季氏擇二

簡擇取二分

二子各一皆

盡征之而貢于公以書使杜洩告于殯曰

告叔孫子之柩

固欲毀中軍既毀之矣故告杜洩曰夫子唯不欲毀

也故盟諸僖闕詛諸五父之衢

皆在襄十一年

受其書而投

之也投擲帥士而哭之

痛叔孫之見誣

叔仲子謂季孫曰帶受

命于子叔孫曰葬鮮者自西門不以壽終為鮮西門非魯朝正門季

孫命杜洩命使從西門杜洩曰卿喪自朝魯禮也吾子為

國政未改禮而又遷之遷易也羣臣懼死不敢自也從自

也既葬而行以辟禍仲至自齊仲士聞喪而來季孫欲立之南遺

曰叔孫氏厚則季氏薄彼實家亂子弗與知不亦可

乎南遺使國人助豎牛以攻諸大庫之庭攻仲士也魯城內有

大庭氏之虛于其上作庫司官射之中目而死豎牛取東鄙三十

邑以與南遺取叔孫氏邑昭子即位朝其家衆曰豎牛禍

叔孫氏使亂大從

使從于亂一云使亂大和順之道

殺適立庶又披

其邑將以赦罪

披析也謂以邑與南遺昭子不知豎牛餓殺其父故但言其見罪

罪

莫大焉必速殺之豎牛懼奔齊孟仲之子殺諸塞關

之外

齊魯界上關

投其首于寧風之棘上

寧風杜注齊地

仲尼曰

叔孫昭子之不勞不可能也

不以立己為功勞

周任有言曰

為政者不賞私勞不罰私怨詩云有覺德行四國順

之

詩大雅覺直也言德行直則四方順從之

初穆子之生也莊叔以周易

筮之

莊叔穆子父得臣也

遇明夷三三

離下坤上明夷

之謙三三

艮下坤上

謙明夷初以示卜楚丘楚丘卜人姓名曰是將行行出而歸

為子祀奉祭以讒人入其名曰牛卒以餒死明夷日

也離為日之數十甲至故有十時亦當十位日中當王食時

當公平旦為卿雞鳴為士夜半為阜人定為輿黃昏為隸日入為僚晡時為僕日昃為臺隅中日出闕不

在第尊王自王已下其二為公其三為卿日上其中公曠其位

日中盛明故以當王食日為二公旦日為三卿明夷之謙明而

未融其當旦乎融朗也離在坤下日在地中之象又變為謙謙道卑退故曰明而未融日

明未融故曰故曰為子祀莊叔卿也卜豹為日之謙其當旦乎卿故知為子祀

當鳥故曰明夷于飛

離為日為鳥離變為謙日光不足故當鳥鳥飛行故曰于飛

明而未融故曰垂其翼

于日為未融象日之動于鳥為垂翼物也

雖有夷傷其動不夷君子象之

故曰君子于行

明夷初九得位有應君子象也在明傷之

世居謙下之位故將辟難而行

當三在旦故曰三日不食

旦位在三又非食時

故曰三離火也艮山也離為火火焚山山敗

離艮合體故

于人為言艮為言

敗言為讒

為離所焚故言敗

故曰有攸往主

人有言言必讒也

離變為艮故言有所往往而見焚故主人有言言而見敗故必讒言

純離為牛

易離上離下離畜北牛吉故言純離為牛

世亂讒勝勝將適離

故曰其名為牛

離楚山則離勝譬世亂則讒勝山焚則離獨存故知名為牛也豎牛非牝

牛故謙不足飛不翔

謙道冲退故飛不遠翔

垂不峻翼不廣

峻高

也翼垂下故不能廣遠

故曰其為子後乎

不遠翔故知不遠去

吾子亞卿

也抑少不終

旦日正卿之位莊叔父子世為亞卿位不足以終盡卦體蓋引而致之

公羊傳

舍中軍者何復古也然則曷為不言三卿五亦

有中三亦有中

言襄十一年作三軍時不言作中軍者以五軍有中三軍亦有中若言作

中軍便疑是五之中故變言作三軍今則竟言舍中軍矣

穀梁 貴復正也

初作三軍三分公室而各有其一及其舍之也四分公室季氏擇二二家各一皆盡征之而貢于公蓋季孫乘襄公之幼弱作三軍以奪公室之民而孟叔之民尚有屬公者至是則無一民之屬於公而季氏得二兵彊權盛不獨公若綴旒即二家亦不得不為屬役矣兵權有國之司命三綱兵政之本原觀中軍之作舍而昭公見逐之勢成矣季氏無君其臣則而效之南蒯叛陽貨專而季斯囚亦

必至之理也三軍之作舍皆自季氏而經書之若
國政何也季氏專魯數世矣惟行父既老數年中
孟孫蔑叔孫豹少與邦交之事宿嗣父位則聘問
大國盟會諸侯皆宿專之襄公幼弱豹蔑皆賢三
軍之作非宿為之而誰哉至昭公時則宿專制魯
政又積二十餘年其主三軍之舍固不待言矣
楚殺其大夫屈申

左傳楚子以屈申為貳于吳乃殺之以屈生為莫敖

屈生

子建使與令尹子蕩如晉逆女過鄭鄭伯勞子蕩于汜

勞屈生于菟氏

汜菟氏杜注皆鄭地

晉侯送女于邢丘子產相

鄭伯會晉侯于邢丘

傳言楚強諸侯畏敵其使

屈申楚重臣也楚靈疑忌而戮之以為貳于吳而未有顯迹毋乃欲加之罪乎然申為人臣君弑不能討國亂不能去北面而事寇讎其見殺也亦自取焉耳

公如晉

左公如晉自郊勞至於贈賄無失禮晉侯謂女叔齊

曰魯侯不亦善于禮乎對曰魯侯焉知禮公曰何為

自郊勞至于贈賄禮無違者何故不知對曰是儀也

不可謂禮禮所以守其國行其政令無失其民者也

今政令在家

在大夫

不能取也有子家羈弗能用也

莊羈

公玄孫懿伯也

奸大國之盟陵虐小國

謂代莒取鄆

利人之難

謂往

年莒亂取鄆

不知其私

不自知有私難

公室四分民食于他

他謂三家

思莫在公不圖其終

無為公謀終始者

為國君難將及身不

恤其所禮之本末將于此乎在而屑屑焉習儀以亟言善于禮不亦遠乎君子謂叔侯于是乎知禮

時晉侯亦

失政叔齊以此諷諫

昭公如晉凡七見止者一及河而不至者五惟此年得成禮而反然以莒人之愬幾復見止蓋季氏自結於晉之彊家再世矣乘亂而取鄆者季氏受其逋逃叛邑者季氏乃欲止公晉侯之不明諸臣之黨惡季孫之竊國專利多方以陷其君先儒皆

置而不論獨苛責公不知公之過惟娶於吳蓋欲藉吳以抗李氏其他實未見失德凡左氏所譏皆李氏之誣詞傳者習焉而不察耳

附錄左傳

晉韓宣子如楚送女叔向為介鄭子皮子太叔

勞諸索氏

索氏杜注河南成皋縣東有大索城今在滎陽縣東北

太叔謂叔向

曰楚王汰侈已甚子其戒之叔向曰汰侈已甚身之

災也焉能及人若奉吾幣帛慎吾威儀守之以信行

之以禮敬始而思終終無不復

事皆可復行

從而不失儀

從順也敬而不失威道之以訓辭奉之以舊法考之以

先王

以先王之禮成其好

度之以二國

度晉楚之勢而行之

雖汰侈若我

何及楚楚子朝其大夫曰晉吾仇敵也苟得志焉無

恤其他今其來者上卿上大夫也若吾以韓起為閹

則足使守門

以羊舌肸為司宮

加官刑

足以辱晉吾亦得志

矣可乎大夫莫對遂啓彊曰可苟有其備何故不可

耻匹夫不可以無備况恥國乎是以聖王務行禮不

求耻人朝聘有珪

珪以信為信

享頰有璋

享饗也頰見也既朝聘而享見也

小有述職

諸侯適天子曰述職

大有巡功

天子巡守曰巡功

設机而不

倚爵盈而不飲

言務行禮

宴有好貨

宴飲以貨為好衣服車馬在客所無

有陪鼎

熟食為殮陪加鼎所以厚殷勤

入有郊勞出有贈賄禮之至

也國家之敗失之道也

失朝聘宴好之道

則禍亂興城濮之

役晉無楚備以敗于邲

言兵禍始于城濮

邲之役楚無晉備

以敗于鄢自鄢以來晉不失備而加之以禮重之以

睦是以楚弗能報而求親焉既獲姻親又欲耻之以

名寇讎備之若何誰其重此若有其人耻之可也若

其未有君亦圖之晉之事君臣曰可矣求諸侯而麋

至

麋羣也

求昏而薦女君親送之上卿及上大夫致之

猶欲耻之君其亦有備矣不然奈何韓起之下趙成

中行吳魏舒范鞅知盈

皆三軍之將佐也成趙武之子吳荀偃之子

羊舌

肸之下祁午張趯籍談女齊梁丙張骼輔躒苗賁皇

皆諸侯之選也韓襄為公族大夫韓須受命而使矣

襄韓無忌子須起之門子年雖幼已仕出使

箕襄邠帶

二人韓氏族

叔禽叔椒

子羽

皆韓起庶子

皆大家也韓賦七邑皆成縣也

成縣賦百乘也

羊舌四族皆强家也

銅鞮伯華叔向叔魚叔虎兄弟四人

晉人若喪韓

起楊肸五卿八大夫

五卿趙成以下八大夫祁午以下

輔韓須楊石

石叔向子食我也

因其十家九縣

韓氏七羊舌氏四而言十家舉大數也羊舌四家共

二縣故但言强家

長轂九百

長轂戎車也縣百乘

其餘四十縣遺守四

千

計遺守國者尚有四千乘

奮其武怒以報其大恥伯華謀之

伯華

叔向兄

中行伯魏舒帥之

伯中行吳

其蔑不濟矣君將以親

易怨

失婚姻之親

實無禮以速寇而未有其備使羣臣往

遺之禽以逞君心何不可之有王曰不穀之過也大

夫無辱

謝遠啓彊

厚為韓子禮王欲赦叔向以其所不知

而不能

言叔向之多知

亦厚其禮韓起反鄭伯勞諸圉

注鄭圉社

地在今杞縣南

辭不敢見禮也

以奉使君命未反故

鄭罕虎如齊娶

于子尾氏

自為逆也

晏子驟見之陳桓子問其故對曰能

用善人民之主也

謂授子產政

夏莒牟夷以牟婁及防茲來奔

防茲杜注城陽平昌縣西南有防亭姑幕縣東

北有茲亭今平昌故城在山東安丘縣西南姑幕故城在諸城縣西北

左傳夏莒牟夷以牟婁及防茲來奔牟夷非卿而書尊

地也

公羊傳

莒牟夷者何莒大夫也莒無大夫此何以書重

地也其言及防茲來奔何不以私邑累公邑也

穀梁傳

以者不以者也來奔者不言出

以其方
向內也

及防茲

以大及小也莒無大夫其曰牟夷何也以其地來也
以地來則何以書也重地也

春秋於邾莒大夫例不書姓名微也然以地叛雖
賤必名終為不義不可滅矣以婁牟及防茲以公

邑及私邑也季孫宿為魯盜故邾莒之盜以氣類而相從襄二十一年公如晉邾庶其以地來奔宿納之今公如晉莒牟夷以地來奔宿又納之襄公如楚宿取卞公懼不敢入今又乘公之適晉亟招叛人俾莒訴而致討於公蓋時欲置其君於罟獲陷穽之中他年見逐而終不能歸其兆已見於此矣

秋七月公至自晉

左傳莒人懇于晉懇魯受晉侯欲止公范獻子曰不可

年夷

人朝而執之誘也討不以師而誘以成之惰也為盟主而犯此二者無乃不可乎請歸之間而以師討焉乃歸公秋七月公至自晉

莒人以受牟夷懇于晉幾被執辱歷三時乃得歸故以告於廟也

戊辰叔弓帥師敗莒師于蚡泉

蚡公羊作漬穀梁作負杜注魯地地譜云魯東

地竟之

左莒人來討討受年夷不設備戊辰叔弓敗諸盼泉莒未

陳也

公羊傳瀆泉者何直泉也謂此泉直上而出直泉者何湧泉也

穀梁傳狄人謂賁泉失台號從中國名從主人

中軍既毀季孫自為一軍力全而勢彊二家共為
一軍力分而勢弱不獨公為所制而二家亦屬役
焉故取鄆受叛者季孫而莒人來討則使叔弓應
敵也

秦伯卒

公羊何以不名秦者夷也匿嫡之名也謂嫡子生而不名令于四

竟擇勇猛其名何文十八年秦伯瑩卒宣嫡得之也

言瑩稻獨以嫡得立

經書諸侯之卒不名者多矣當時不以名赴史承而書之聖人不能益也傳者於此獨曲為之說誤矣

冬楚子蔡侯陳侯許男頓子沈子徐人越人伐吳越始見經

左傳冬十月楚子以諸侯及東夷伐吳以報棘櫟麻之

役

役在四年

遠射以繁揚之師會于夏汭

遠射楚大夫越會楚子也

大夫常壽過帥師會楚子于瑣

瑣杜注楚地當在聞今江南霍丘縣東

吳師出遂啓彊帥師從之遽不設備吳人敗諸鵲岸

鵲岸

杜注廬江舒縣有鵲尾渚今江南繁昌縣西南大江中有鵲洲

楚子以駟至于羅

汭

羅水名吳子使其弟蹶由犒師楚人執之將以釁鼓

王使問焉曰女卜來吉乎對曰吉寡君聞君將治兵

于敝邑卜之以守龜曰余亟使人犒師請行以觀王

怒之疾徐而為之備尚克知之

言吳令龜兆告吉曰

龜兆告吉曰

克可知也君若驩焉好逆使臣滋敝邑休息而忘其

死亡無日矣今君奮焉震電馮怒

馮盛也

虐執使臣將

以釁鼓則吳知所備矣敝邑雖羸若早修完其可以

息師

息楚之師

難易有備可謂吉矣且吳社稷是卜豈為

一人使臣獲釁軍鼓而敝邑知備以禦不虞其為吉

孰大焉國之守龜其何事不卜一臧一否其誰能常

之城濮之兆其報在邲

城濮之戰楚卜吉其效乃在邲

今此行也其

庸有報志乃弗殺楚師濟于羅汭沈尹赤會楚子

沈尹

赤楚大夫

次于萊山遂射帥繁揚之師先入南懷楚師從

之及汝清

南懷汝清杜注皆楚界當在今江淮間

吳不可入

有備

楚子遂

觀兵于坻箕之山

坻箕之山今江南巢縣南有躊躇山輿地志即坻箕山也

是行

也吳早設備楚無功而還以蹶由歸楚子懼吳使沈

尹射待命于巢遂啓彊待命于雩婁禮也

善有備

楚病吳故通越以制吳猶晉病楚故通吳以制楚

也越常壽過始見經而稱人越驟彊也或曰不可

云沈子徐越伐吳猶戚之會吳以鄆故稱人耳楚
虔身負大惡王法所不宥也而恃彊逞暴為修怨
之師諸侯及徐越從之有黨惡之罪先儒乃以為
善楚而進越過矣

附錄秦后子復歸于秦

元年奔晉

景公卒故也

終五稔之言

日講春秋解義卷四十八